

187. Nb. 931. 2.

वन-बाणी

182. Nb. 031. 2.


বন-বাণী


শ্রীমদ্বীন্দ্রনাথ ঠাকুর



বিশ্বভারতী গ্রন্থালয়

২১০ নং কর্ণওয়ালিস্ ট্রাট, কলিকাতা।





বিশ্বভারতী গ্রন্থালয়

২১০ নং কর্ণওয়ালিস্ স্ট্রীট, কলিকাতা।

প্রকাশক—রায় সাহেব শ্রীজগদানন্দ রায়।

বন-বাণী

প্রথম সংস্করণ (১১০০) আশ্বিন, ১৩৩৮।

মূল্য—৪ চারি টাকা।

শান্তিনিকেতন প্রেস। শান্তিনিকেতন, (বীরভূম)।

রায় সাহেব শ্রীজগদানন্দ রায় কর্তৃক মুদ্রিত।

ভূমিকা

আমার ঘরের আশেপাশে যে-সব আমার বোবা বন্ধু আলোর প্রেমে মত্ত হ'য়ে আকাশের দিকে হাত বাড়িয়ে আছে তাদের ডাক আমার মনের মধ্যে পৌঁছলো। (তাদের ভাষা হ'চ্ছে জীব-জগতের আদিভাষা, তা'র ইসারা গিয়ে পৌঁছয় প্রাণের প্রথমতম স্তরে; হাজার হাজার বৎসরের ভুলে-যাওয়া ইতিহাসকে নাড়া দেয়; মনের মধ্যে যে-সাড়া ওঠে সেও ঐ গাছের ভাষায়,— তা'র কোনো স্পষ্ট মানে নেই, অথচ তা'র মধ্যে বহু যুগযুগান্তর গুন্গুনিয়ে ওঠে।)

(ঐ গাছগুলো বিশ্ববাউলের একতারা, ওদের মজ্জায় মজ্জায় সরল সুরের কাঁপন, ওদের ডালে ডালে পাতায় পাতায় একতালা ছন্দের নাচন। যদি নিস্তব্ধ হ'য়ে প্রাণ দিয়ে গুনি তাহ'লে অন্তরের মধ্যে মুক্তির বাণী এসে লাগে। মুক্তি সেই বিরাট প্রাণসমুদ্রের কূলে, যে-সমুদ্রের উপরের তলায় সূন্দরের লীলা রঙে রঙে তরঙ্গিত, আর গভীরতলে শাস্ত্রম্ শিবম্ অদ্বৈতম্। সেই সূন্দরের লীলায় লালসা নেই, আবেশ নেই, জড়তা নেই, কেবল পরমা-শক্তির নিঃশেষ আনন্দের আন্দোলন। “এতশ্চৈ-বানন্দম্ মাভ্রাণি” দেখি ফুলে ফলে পল্লবে; তাতেই মুক্তির স্বাদ পাই, বিশ্বব্যাপী প্রাণের সঙ্গে প্রাণের নির্মল অবাধ মিলনের বাণী গুনি।

বোষ্টমী একদিন জিজ্ঞাসা ক'রেছিলো, কবে আমাদের মিলন হবে গাছতলায়? তা'র মানে গাছের মধ্যে প্রাণের বিস্তৃত সুর; সেই সুরটি যদি প্রাণ পেতে নিতে পারি তাহ'লে আমাদের

মিলন-সঙ্গীতে বদ্-সুর লাগে না। বুদ্ধদেব যে-বোধিচ্ছমের তলায় মুক্তিভব পেয়েছিলেন, তাঁর বাণীর সঙ্গে সঙ্গে সেই বোধিচ্ছমের বাণীও শুনি যেন,—চুইএ মিশে আছে। আরণ্যক ঋষি শুনতে পেয়েছিলেন গাছের বাণী,—“বৃক্ষ ইব স্তব্ধো দিব্যিতিষ্ঠতোব্যঃ”। শুনেছিলেন “যদিদং কিঞ্চ সর্বং প্রাণ এজতি নিঃসৃতং”। তাঁরা গাছে গাছে চিরযুগের এই প্রশ্নটি পেয়েছিলেন, “কেন প্রাণঃ প্রথমঃ প্রৈতিযুক্তঃ”—প্রথম-প্রাণ তা’র বেগ নিয়ে কোথা থেকে এসেচে এই বিশ্বে? সেই প্রৈতি সেই বেগ থামতে চায় না, রূপের ঝর্ণনা অহরহ ঝর্ণতে লাগলো, তা’র কত রেখা, কত ভঙ্গী, কত ভাষা, কত বেদনা! সেই প্রথম প্রাণ-প্রৈতির নবনবোন্মেষশালিনী সৃষ্টির চিরপ্রবাহকে নিজের মধ্যে গভীরভাবে বিশুদ্ধভাবে অনুভব করার মহামুক্তি আর কোথায় আছে?

এখানে ভোরে উঠে হোটেলের জানলার কাছে ব’সে কত দিন মনে ক’রেচি শাস্তিনিকেতনের প্রান্তরে আমার সেই ঘরের দ্বারে প্রাণের আনন্দরূপ আমি দেখবো আমার সেই লতার শাখায় শাখায়; প্রথম প্রৈতির বন্ধ-বিহীন প্রকাশ-রূপ দেখবো সেই নাগকেশরের ফুলে ফলে। মুক্তির জগ্নে প্রতিদিন যখন প্রাণ ব্যথিত ব্যাকুল হ’য়ে ওঠে, তখন সকলের চেয়ে মনে পড়ে আমার দরজার কাছের সেই গাছগুলিকে। তা’রা ধরণীর ধ্যানমন্ত্রের ধ্বনি। প্রতিদিন অরুণোদয়ে, প্রতি নিস্তরুরাত্রে তারার আলোয় তাদের ওঙ্কারের সঙ্গে আমার ধ্যানের সুর মেলাতে চাই। এখানে আমি রাত্রি প্রায় তিনটির সময়—তখন একে রাতের অন্ধকার, তাতে মেঘের আবরণ—অস্তুরে অস্তুরে একটা অসহ্য চঞ্চলতা অনুভব করি নিজের কাছ থেকেই উদ্দামবেগে পালিয়ে যাবার জগ্নে। পালাবো কোথায়? কোলাহল থেকে সঙ্গীতে। এই আমার অস্তর্গূঢ় বেদনার দিনে শাস্তিনিকেতনের

চিঠি যখন পেলুম তখন মনে প'ড়ে গেল সেই সঙ্গীত তা'র সরল
 বিমুক্ত সুরে বাজ্চে আমার উত্তরায়ণের গাছগুলির মধ্যে,—তাদের
কাছে চুপ ক'রে বসতে পারলেই সেই সুরের নিৰ্মল স্বরূপ
আমার অন্তরাত্মাকে প্রতিদিন স্নান করিয়ে দিতে পারবে। এই
 স্নানের দ্বারা ধৌত হ'য়ে স্নিগ্ধ হ'য়ে তবেই আনন্দলোকে প্রবেশের
 অধিকার আমরা পাই। পরম সুন্দরের মুক্তরূপ প্রকাশের মধ্যেই
 পরিজ্ঞান,—আনন্দময় সুগভীর বৈরাগ্যই হ'ছে সেই সুন্দরের
চরম দান।

ভিয়েনা,

২৩শে অক্টোবর, ১৯২৬।

সূচীপত্র

বন-বাণী	...	...	...	১—৪৫
নটরাজ ঋতুরঙ্গশালা	...	...	...	৪৬—১৩২
বর্ষামঙ্গল	...	...	...	১৩৩—১৪৪
নবীন	...	...	...	১৪৫—১৬৩

বন-বাণী

বৃক্ষবন্দনা

অন্ধ ভূমিগর্ভ হ'তে গুনেছিলে সূর্য্যের আহ্বান
প্রাণের প্রথম জাগরণে, তুমি বৃক্ষ, আদিপ্রাণ,
উজ্জ্বলীর্ষে উচ্চারিলে আলোকের প্রথম বন্দনা
ছন্দোহীন পাষাণের বক্ষ-পরে ; আনিলে বেদনা
নিঃসাড় নিষ্ঠুর মরুস্থলে ।

সেদিন অশ্বর মাঝে
শ্রামে নীলে মিশ্রমস্ত্রে স্বর্গলোকে জ্যোতিষ্ক সমাজে
মর্ত্যের মাহাত্ম্য-গান করিলে ঘোষণা । যে-জীবন
মরণ-তোরণদ্বার বারম্বার করি' উত্তরণ
যাত্রা করে যুগে যুগে অনন্তকালের তীর্থপথে
নব নব পান্থশালাে বিচিত্র নূতন দেহরথে,
তাহারি বিজয়ধ্বজা উড়াইলে নিঃশঙ্ক গৌরবে
অজ্ঞাতের সম্মুখে দাঁড়ায় । তোমার নিঃশঙ্ক রবে
প্রথম ভেঙেছে স্বপ্ন ধরিত্রীর, চমকি' উল্লসি'
নিজেরে প'ড়েছে তা'র মনে,—দেবকণ্ঠা হুঃসাহসী

কবে যাত্রা ক'রেছিলো জ্যোতিঃ-স্বর্গ ছাড়ি' দীনবেশে
 পাংশুলান গৈরিকবসন-পরা,—খণ্ড কালে দেশে
 অমরার আনন্দে খণ্ড খণ্ড ভোগ করিবারে,
 দুঃখের সংঘাতে তা'রে বিদীর্ণ করিয়া বারে বারে
 নিবিড় করিয়া পেতে ।

মুক্তিকার হে বীর সন্তান,

সংগ্রাম ঘোষিলে তুমি মুক্তিকারে দিতে মুক্তিদান
 মরুর দারুণ দুর্গ হ'তে ; যুদ্ধ চলে ফিরে ফিরে ;
 সন্তুরি' সমুদ্র-উর্ষ্মি দুর্গম দ্বীপের শূন্য ভীরে
 শ্রামলের সিংহাসন প্রতিষ্ঠিলে অদম্য নিষ্ঠায়,
 দুস্তর শৈলের বক্ষে প্রস্তরের পৃষ্ঠায় পৃষ্ঠায়
 বিজয়-আখ্যান-লিপি লিখি' দিলে পল্লব-অক্ষরে
 ধূলিরে করিয়া মুগ্ধ, চিহ্নহীন প্রাস্তরে প্রাস্তরে
 ব্যাপিলে আপন পস্থা ।

বাণীশূন্য ছিল একদিন

জলস্থল শূন্যতল, ঋতুর উৎসবমন্ত্রহীন,—

শাখায় রচিলে তব সঙ্গীতের আদিম আশ্রয়,
 যে-গানে চঞ্চল বায়ু নিজের লভিল পরিচয়,
 সুরের বিচিত্র বর্ণে আপনার দৃশ্যহীন তনু
 রঞ্জিত করিয়া নিল, অঙ্কিল গানের ইন্দ্রধনু
 উত্তরীর প্রান্তে প্রান্তে । সূন্দরের প্রাণমূর্ত্তিখানি
 মুক্তিকার মর্ত্যপটে দিলে তুমি প্রথম বাখানি'
 টানিয়া আপন প্রাণে রূপশক্তি সূর্যালোক হ'তে,
 আলোকের গুণধন বর্ণে বর্ণে বর্ণিলে আলোতে ।
 ইন্দ্রের অঙ্গরী আসি' মেঘে মেঘে হানিয়া কঙ্কণ
 বাষ্পপাত্র চূর্ণ করি' লীলানৃত্যে ক'রেছে বর্ষণ

যৌবন-অমৃতরস, তুমি তাই নিলে ভরি' ভরি'
আপনার পত্রপুষ্পপুটে, অনন্তযৌবনা করি'
সাজাইলে বসুন্ধরা ।

হে নিস্তরু, হে মহাগন্তীর,
বীৰ্য্যেরে বাঁধিয়া ধৈর্য্যে শাস্তিরূপ দেখালে শক্তির ;
তাই আসি তোমার আশ্রয়ে শাস্তিদীক্ষা লভিবারে,
শুনিতে মৌনের মহাবাণী ;—ছশ্চিন্তার গুরুভারে
নত শীর্ষ বিলুপ্তিতে শ্যামসৌম্যচ্ছায়াতলে তব,—
প্রাণের উদার রূপ, রসরূপ নিত্য নব নব,
বিশ্বজয়ী বীররূপ, ধরণীর বাণীরূপ তা'র
লভিতে আপন প্রাণে । ধ্যানবলে তোমার মাঝার
গেছি আমি, জেনেছি, সূর্য্যের বক্ষে জ্বলে বহিরূপে
সৃষ্টিযজ্ঞে যেই হোম, তোমার সন্তায় চূপে চূপে
ধরে তাই শ্যাম স্নিগ্ধরূপ ; ওগো সূর্য্যরশ্মিপায়ী,
শত শত শতাব্দীর দিন-ধেমু ছুহিয়া সদাই
যে-তেজে ভরিলে মজ্জা, মানবেরে তাই করি' দান
ক'রেছে জগৎজয়ী ; দিলে তা'রে পরম-সম্মান ;
হ'য়েছে সে দেবতার প্রতিস্পর্শী,—সে-অগ্নিচ্ছটায়
প্রদীপ্ত তাহার শক্তি, বিশ্বতলে বিস্ময় ঘটায়
ভেদিয়া হুঃসাধ্য বিশ্ববাধা । তব প্রাণে প্রাণবান,
তব স্নেহচ্ছায়ায় শীতল, তব তেজে তেজীয়ান,
সজ্জিত তোমার মাণ্যে যে-মানব, তারি দূত হ'য়ে,
ওগো মানবের বন্ধু, আজি এই কাব্য-অর্ঘ্য ল'য়ে
শ্যামের বাঁশির তানে মুক্ত কবি আমি

অর্পিতাম তোমায় প্রণামী ॥

৯ই চৈত্র, ১৩৩৩

শ্রীযুক্ত জগদীশচন্দ্র বসু

প্রিয় করকমলে

বন্ধু

যেদিন ধরণী ছিল ব্যথাহীন বাণীহীন মরু,
প্রাণের আনন্দ নিয়ে, শঙ্কা নিয়ে, দুঃখ নিয়ে, তরু
দেখা দিল দারুণ নির্জনে । কত যুগ যুগান্তরে
কান পেতে ছিল স্তব্ধ মানুষের পদশব্দ তরে
নিবিড় গহনতলে । যবে এলো মানব অতিথি,
দিল তা'রে ফুল ফল, বিস্তারিয়া দিল ছায়াবীথি ।
প্রাণের আদিমভাষা গৃঢ় ছিল তাহার অন্তরে,
সম্পূর্ণ হয়নি ব্যক্ত আন্দোলনে, ইঙ্গিতে, মর্শ্বরে ।
তা'র দিন-রজনীর জীবযাত্রা বিশ্ব ধরাতলে
চ'লেছিলো নানা পথে শব্দহীন নিত্যকোলাহলে
সীমাহীন ভবিষ্যতে ; আলোকের আঘাতে তনুতে
প্রতিদিন উঠিয়াছে চঞ্চলিত অণুতে অণুতে
স্পন্দবেগে নিঃশব্দ ঝঙ্কারগীতি ; নীরব স্তবনে
সূর্যের বন্দনাগান গাহিয়াছে প্রভাত পবনে ।
প্রাণের প্রথমবাণী এই মতো জাগে চারিভিতে
তুণে তুণে বনে বনে, তবু তাহা র'য়েছে নিভুতে,—
কাছে থেকে শুনি নাই ;—হে তপস্বী, তুমি একমনা
নিঃশব্দে বাক্য দিলে ; অরণ্যের অন্তর-বেদনা
শুনেছো একান্তে বসি' ; মূক জীবনের যে-ক্রন্দন
ধরণীর মাড়বক্ষে নিরন্তর জাগালো স্পন্দন

অঙ্কুরে অঙ্কুরে উঠি', প্রসারিয়া শত বাগ্রশাখা,
 পত্রে পত্রে চঞ্চলিয়া, শিকড়ে শিকড়ে আঁকাবাঁকা
 জন্ম মরণের দ্বন্দ্ব, তাহার রহস্য তব কাছে
 বিচিত্র অক্ষররূপে সহসা প্রকাশ লভিয়াছে।
 প্রাণের আগ্রহবার্তা নির্বাকের অন্তঃপুর হ'তে
 অঙ্ককার পার করি' আনি দিলে দৃষ্টির আলোতে।
 তোমার প্রতিভাদীপ্ত চিন্তমাঝে কহে আজি কথা
 তরুর মর্ম্মর সাথে মানব মর্ম্মের আত্মীয়তা ;
 প্রাচীন আদিমতম সম্বন্ধের দেয় পরিচয়।
 হে সাধকশ্রেষ্ঠ, তব দুঃসাধ্য সাধন লভে জয় ;—
 সতর্ক দেবতা যেথা গুপ্তবাণী রেখেছেন ঢাকি'
 সেথা তুমি দীপহস্তে অঙ্ককারে পশিলে একাকী,
 জাগ্রত করিলে তা'রে। দেবতা আপন পরাভবে
 যেদিন প্রসন্ন হন, সেদিন উদার জয়রবে
 ধ্বনিত অমরাবতী আনন্দে রচিয়া দেয় বেদী
 বীর বিজয়ীর তরে, মশের পতাকা অভভেদী
 মর্ত্যের চূড়ায় উড়ে।

মনে আছে একদা যেদিন

আসন প্রচ্ছন্ন তব, অশ্রদ্ধার অঙ্ককারে লীন,
 ঈর্ষা-কণ্টকিত পথে চ'লেছিলে ব্যথিত চরণে,
 ক্ষুদ্র শত্রুতার সাথে প্রতিক্রমে অকারণ রণে
 হ'য়েছো পীড়িত শ্রান্ত। সে-দুঃখই তোমার পাথর,
 সে-অগ্নি জ্বলেছে যাত্রাদীপ, অবজ্ঞা দিয়েছে শ্রেয়,
 পেয়েছো সম্মল তব আপনার গভীর অন্তরে।
 তোমার খ্যাতির শব্দ আজি বাজে দিকে দিগন্তরে

সমুদ্রের এ-কূলে ও-কূলে ; আপন দীপ্তিতে আজি
 বন্ধু, তুমি দীপ্যমান ; উচ্ছ্বসি উঠিছে বাজি
 বিপুল কীর্তির মন্ত্র তোমার আপন কর্ম্মমাঝে ।
 জ্যোতিষ্ক সভার তলে যেথা তব আসন বিরাজে
 সেথায় সহস্রদীপ জ্বলে আজি দীপালি উৎসবে ।
 আমরাও একটি দীপ তারি সাথে মিলাইবু যবে
 চেয়ে দেখো তা'র পানে, এ দীপ বন্ধুর হাতে জ্বালা ;
 তোমার তপস্ব্যক্ষেত্র ছিল যবে নিভৃত নিরালা
 বাধায় বেষ্টিত রুদ্ধ, সেদিন সংশয় সঙ্ক্যাকালে
 কবি-হাতে বরমাল্য সে বন্ধু পরায়েছিল ভালে ;
 অপেক্ষা করেনি সে তো জনতার সমর্থন তরে,
 দুর্দিনে জ্বলেছে দীপ রিক্ত তব অর্ঘ্যখালি 'পরে ।
 আজি সহস্রের সাথে ঘোষিল সে, ধন্য ধন্য তুমি,
 ধন্য তব বন্ধুজন, ধন্য তব পুণ্য জন্মভূমি ।

শান্তিনিকেতন

১৪ই অগ্রহায়ণ, ১৩৩৫

দেবদারু

আমি তখন ছিলাম শিলঙ্ পাহাড়ে, রূপ-ভাবক নন্দলাল ছিলেন কাসিয়ঙে ।
তাঁর কাছ থেকে ছোটো একটি পত্রপট পাওয়া গেল, তাতে পাহাড়ের উপর
দেওদার গাছের ছবি আঁকা । চেয়ে চেয়ে মনে হ'লো ঐ একটি দেবদারুর
মধ্যে যে শ্রামল শক্তির প্রকাশ, সমস্ত পর্বতের চেয়ে তা বঁড়ো, ঐ দেবদারুকে
দেখা গেল হিমালয়ের তপস্যার সিদ্ধিরূপে । মহাকালের চরণপাতে
হিমালয়ের প্রতিদিন ক্ষয় হ'চ্ছে, কিন্তু দেবদারুর মধ্যে যে প্রাণ, নব নব তরু-
দেহের মধ্যে দিয়ে যুগে যুগে তা এগিয়ে চ'লবে । শিল্পীর পত্রপটের প্রত্যুত্তরে
আমি এই কাব্যলিপি পাঠিয়ে দিলেম ।

তপোমগ্ন হিমাদ্রির ব্রহ্মরন্ধ্র ভেদ করি' চূপে
বিপুল প্রাণের শিখা উচ্ছ্বসিল দেবদারুরূপে ।
সূর্য্যের যে-জ্যোতির্মন্ত্র তপস্বীর নিত্য উচ্চারণ
অস্তরের অঙ্ককারে, পারিল না করিতে ধারণ
সেই দীপ্ত রুদ্রবাণী,—তপস্যার সৃষ্টিশক্তিবলে
সে-বাণী ধরিল শ্রামকায়া ; সবিতার সভাতলে
করিল সাবিত্রীগান ; স্পন্দমান হৃন্দের মর্ম্মরে
ধরিত্রীর সামগাথা বিস্তারিল অনন্ত অস্থরে ।
ঋজু দীর্ঘ দেবদারু—গিরি এ'রে শ্রেষ্ঠ করে জ্ঞান
আপন মহিমা চেয়ে ; অস্থরে ছিল যে তা'র ধ্যান

বাহিরে তা সত্য হ'লো ; উর্দ্ধ হ'তে পেয়েছিলো ঋণ
 উর্দ্ধপানে অর্ঘ্যরূপে শোধ করি দিল একদিন ।
 আপন দানের পুণ্যে স্বর্গ তা'র রহিল না দূর,
 সূর্য্যের সঙ্গীতে মেশে মৃত্তিকার মুরলীর সুর ॥

শিলঙ,

২৪শে জ্যৈষ্ঠ, ১৩৩৪

আম্রবন

সে-বৎসর শান্তিনিকেতন আম্রবীথিকায় বসন্ত-উৎসব হ'য়েছিলো। কেউবা চিত্রে কেউবা কারুশিল্পে কেউবা কাব্যে আপন অর্ঘ্য এনেছিলেন। আমি ঋতুরাজকে নিবেদন ক'রেছিলেম কয়েকটি কবিতা, তা'র মধ্যে নিম্নলিখিত একটি। সেদিন উৎসবে ষাঁরা উপস্থিত ছিলেন—এই আম্রবনের সঙ্গে আমার পরিচয় তাঁদের সকলের চেয়ে পুরাতন—সেই আমার বালককালের আত্মীয়তা এই কবিতার মধ্যে আমার জীবনের পরাধীন প্রকাশ ক'রে গেলেম। এই আম্রবনের যে-নিমন্ত্রণ বালকের চিরবিস্মিত হৃদয়ে এসে পৌঁচেছিলো আজ মনে হয় সেই নিমন্ত্রণ যেন আবার আন্টে মাটির মেঠো স্তর নিয়ে, রৌদ্র-তপ্ত ঘাসের গন্ধ নিয়ে, উত্তেজিত শালিখগুলির কাকলী-বিস্কৃত অপরাধের অবকাশ নিয়ে।

তব পথছায়া বাহি' বাঁশরীতে যে বাজালো আজি
মর্মে মোর অশ্রুত রাগিণী,
ওগো আম্রবন,
তারি স্পর্শে রহি' রহি' আমারো হৃদয় উঠে বাজি',—
চিনি তা'রে কিম্বা নাহি চিনি
কে জানে কেমন !
অন্তরে অন্তরে তব যে-চঞ্চল রসের ব্যগ্রতা
আপন অন্তরে তাহা বুঝি,
ওগো আম্রবন।
তোমার প্রচ্ছন্ন মন আমারি মতন চাহে কথা—
মঞ্জরীতে মুখরিয়া আনন্দের ঘনগূঢ় ব্যথা ;
অজানারে খুঁজি'
আমারি মতন আন্দোলন ॥

সচকিয়া চিকনিয়া কাঁপে তব কিশলয়রাজি
 সর্ব্ব অঙ্গে নিমেষে নিমেষে,
 ওগো আশ্রবন।
 আমিও তো আপনার বিকশিত কলনায় সাজি
 অন্তর্লীন আনন্দ-আবেশে
 অমনি নৃতন।
 প্রাণে মোর অমনি তো দোলা দেয় সঙ্ক্যায় উষায়
 অদৃশ্যের নিঃশ্বাসিত ধ্বনি,
 ওগো আশ্রবন।
 আমার যে পুষ্পশোভা সে কেবল বাগীর ভূষায়,
 নৃতন চেতনে চিত্ত আপনারে পরাইতে চায়
 সুরের গাঁথনী—
 গীতবন্ধারের আবরণ ॥

যে অজস্রভাষা তব উচ্ছ্বসিয়া উঠেছে কুসুমি'
 ভূতলের চিরস্তনী কথা,
 ওগো আশ্রবন,
 তাই ব'হে নিয়ে যাও, আকাশের অন্তরঙ্গ তুমি,
 ধরণীর বিরহবারতা
 গভীর গোপন।
 সে ভাষা সহজে মিশে বাতাসের নিঃশ্বাসে নিঃশ্বাসে,
 মৌমাছির গুঞ্জে গুঞ্জে,
 ওগো আশ্রবন।

আমার নিভৃত চিন্তে সে ভাষা সহজে চ'লে আসে,
মিশে যায় সঙ্গোপনে অন্তরের আভাসে আশ্বাসে
স্বপনে বেদনে,
ধ্যানে মোর করে সঞ্চরণ ॥

সুদূর জন্মের যেন ভুলে-যাওয়া প্রিয়কণ্ঠস্বর
গন্ধে তব র'য়েছে সঞ্চিত,
ওগো আশ্রয়ন ।
যেন নাম-ধ'রে কোন্ কানে কানে গোপন মর্ম্মর
তাই মোরে করে রোমাঞ্চিত
আজি ক্ষণে ক্ষণে ।
আমার ভাবনা আজি প্রসারিত তব গন্ধ সনে
জনম মরণ-পরপার,
ওগো আশ্রয়ন,
যেথায় অমরাপুরে সুন্দরের দেউল-প্রাক্ষণে
জীবনের নিত্য আশা সম্মাসিনী, সঙ্ঘ্যারতি-ক্ষণে
দীপ জ্বালি' তা'ব
পূর্ণেরে করিছে সমর্পণ ।

বহুকাল চলিয়াছে বসন্তের রসের সঞ্চার
ওই তব মজ্জায় মজ্জায়,
ওগো আশ্রয়ন ।
বহুকাল যৌবনের মদোৎফুল্ল পল্লীললনার
আকুলিত অলক-সজ্জায়
জোগালে ভূষণ ।

শিকড়ের মুষ্টি দিয়া আঁকড়িয়া যে-বন্ধ পৃথ্বীর
 প্রাণরস করো তুমি পান,
 ওগো আশ্রবন,
 সেথা আমি গেঁথে আছি ছুদিনের কুটীর মস্তির,—
 তোমার উৎসবে আমি আজি গাবো এক রজনীর
 পথ-চলা গান,
 কালি তা'র হবে সমাপন ॥

৫ ফাল্গুন, ১৩৩৪

নীলমণিলতা

শান্তিনিকেতন উত্তরায়ণের একটি কোণের বাড়িতে আমার বাসা ছিল। এই বাসার অঙ্গণে আমার পরলোকগত বন্ধু পিয়র্সন একটি বিদেশী গাছের চারা রোপণ ক'রেছিলেন। অনেককাল অপেক্ষার পরে নীলফুলের স্তবকে স্তবকে একদিন সে আপনার অজস্র পরিচয় অব্যাহত ক'রলে। নীল রঙে আমার গভীর আনন্দ, তাই এই ফুলের বাগী আমার যাতায়াতের পথে প্রতিদিন আমাকে ডাক দিয়ে বারে বারে স্তব্ধ ক'রেচে। আমার দিক থেকে কবিরও কিছু বলবার হচ্ছে হ'তো কিন্তু নাম না পেলে সম্ভাষণ করা চলে না। তাই লতাটির নাম দিয়েছি নীলমণিলতা। উপযুক্ত অঙ্কুষ্ঠানের দ্বারা সেই নামকরণটি পাকা করবার জন্তে এই কবিতা। নীলমণি ফুল যেখানে চোখের সামনে ফোটে সেখানে নামের দরকার হয়নি কিন্তু একদা অবসানপ্রায় বসন্তের দিনে দূরে ছিলুম সেদিন রূপের স্মৃতি নামের দাবী ক'রলে। ভক্ত ১০১ নামে দেবতাকে ডাকে সে শুধু বিরহের আকাশকে পরিপূর্ণ করবার জন্তে।

ফাস্তুন-মাধুরী তা'র চরণের মঞ্জীরে মঞ্জীরে
নীলমণি-মঞ্জরীর গুঞ্জন বাজায়ে দিল কি রে ?
আকাশ যে-মৌনভার
বহিতে পারে না আর,
নীলিমা-বস্ত্রায় শূন্যে উচ্ছলে অনন্ত ব্যাকুলতা,
তারি ধারা পুষ্পপাত্রে ভরি' নিল নীলমণি লতা ॥

পৃথ্বীর গভীর মৌন দূর শৈলে ফেলে নীল ছায়া,
মধ্যাহ্ন-মরীচিকায় দিগন্তে খোঁজে সে স্বপ্ন-কায়া।

যে-মৌন নিজেদের চায়
 সমুদ্রের নীলিমায়,
 অস্তুহীন সেই মৌন উচ্ছ্বসিল নীলগুচ্ছ ফুলে,
 দুর্গম রহস্য তা'র উঠিল সহজ ছন্দে তুলে' ॥

আসন্ন মিলনাঙ্ঘ্রাসে বধূর কম্পিত তনুখানি
 নীলাশ্বর অঞ্চলের গুণ্ঠনে সঞ্চিত করে বাগী ।
 মর্ম্মের নির্বাক কথ্য
 পায় তা'র নিঃসীমতা
 নিবিড় নিশ্চল নীলে ; আনন্দের সেই নীল ছাতি
 নীলমণি-মঞ্জরীর পুঞ্জ পুঞ্জ প্রকাশে আকৃতি ॥

অজানা পাশের মতো ডাক দিলে অতিথির ডাকে,
 অপরূপ পুষ্পোচ্ছ্বাসে, হে লতা, চিনালে আপনাকে ।
 বেল জুঁই শেফালিরে
 জানি আমি ফিরে ফিরে,
 কত ফাল্গুনের, কত শ্রাবণের, আশ্বিনের ভাষা
 তা'রা তো এনেছে চিত্তে, রঙীন ক'রেছে ভালোবাসা ॥

চাঁপার কাঞ্চন আভা সে-যে কার কণ্ঠস্বরে সাধা,
 নাগকেশরের গন্ধ সে-যে কোন্ বেণীবন্ধে বাঁধা ।
 বাদলের চামেলি-যে
 কালো আঁখিজলে ভিজে,
 করবীর রাঙা রঙ কঙ্কণ-ঝঙ্কার সুরে মাখা,
 কদম্ব কেশরগুলি নিদ্রাহীন বেদনায় অঁাকা ॥

তুমি সুদূরের দূতী, নূতন এসেছো নীলমণি,
 স্বচ্ছ নীলাম্বরসম নির্মল তোমার কণ্ঠধ্বনি ।
 যেন ইতিহাসজালে
 বাঁধা নহ দেশে কালে,
 যেন তুমি দৈববাণী বিচিত্র বিশ্বের মাঝখানে,
 পরিচয়হীন তব আবির্ভাব, কেন এ কে জানে ॥

“কেন এ কে জানে” এই মন্ত্র আজি মোর মনে জাগে ;
 তাই তো ছন্দের মালা গাঁথি অকারণ অনুরাগে ।
 বসন্তের নানা ফুলে
 গন্ধ তরঙ্গিয়া তুলে,
 আম্রবনে ছায়া কাঁপে মোমাছির গুঞ্জরণ-গানে ;
 মেলে অপরূপ ডানা প্রজাপতি, কেন এ কে জানে ॥

কেন এ কে জানে এত বর্ণগন্ধ রসের উল্লাস,
 প্রাণের মহিমাছবি রূপের গৌরবে পরকাশ ।
 যেদিন বিতানচ্ছায়ে
 মধ্যাহ্নের মন্দবায়ে
 ময়ূর আশ্রয় নিল, তোমারে তাহারে একখানে
 দেখিলাম চেয়ে চেয়ে, কহিলাম, “কেন এ কে জানে ॥”

অভ্যাসের সীমা-টানা চৈতন্তের সঙ্কীর্ণ সঙ্কোচে
 ঔদাস্যের ধূলা ওড়ে, আঁখির বিস্ময়রস ঘোচে ।

মন জড়তায় ঠেকে
 নিখিলেরে জীর্ণ দেখে,
 হেনকালে, হে নবীন, তুমি এসে কী বলিলে কানে ;
 বিশ্বপানে চাহিলাম, কহিলাম, “কেন এ কে জানে।”

আমি আজ কোথা আছি, প্রবাসে অতিথিশালা মাঝে ।
 তব নীল-লাবণ্যের বংশীধ্বনি দূর শূন্যে বাজে ।
 আসে বৎসরের শেষ,
 চৈত্র ধরে স্নান বেশ,
 হয়তো বা রিক্ত তুমি ফুল-ফোটাবার অবসানে,
 তবু, হে অপূর্ব রূপ, দেখা দিলে কেন যে কে জানে ॥

ভরতপুর,
 ১৭ই চৈত্র, ১৩৩৩

কুর্চি

অনেককাল পূর্বে শিলাইদহ থেকে কল্কাতায় আসছিলাম। কুষ্টিয়া
স্টেশন-ঘরের পিছনের দেয়াল-ঘেঁষা এক কুর্চি গাছ চোখে পড়লো। সমস্ত
গাছটি ফুলের ঐশ্বর্যে মহিমান্বিত। চারিদিকে হাটবাজার; একদিকে রেলের
লাইন, অন্যদিকে গোরুর গাড়ির ভিড়, বাতাস ধুলোয় নিবিড়। এমন
অজায়গায় পি, ডব্লু, ডির স্বরচিত প্রাচীরের গায়ে ঠেঁষ দিয়ে এই একটি
কুর্চি গাছ তা'র সমস্ত শক্তিতে বসন্তের জয় ঘোষণা ক'রুচে—উপেক্ষিত
বসন্তের প্রতি তা'র অভিবাদন সমস্ত হট্টগোল উপরে যাতে ছাড়িয়ে ওঠে
এই ঘন তা'র প্রাণপণ চেষ্টা। কুর্চির সঙ্গে এই আমার প্রথম পরিচয়।

ভ্রমর একদা ছিল পদ্মবনপ্রিয়

ছিল প্রীতি কুমুদিনী পানে।

সহসা বিদেশে আসি তায়, আজ কি ও

কুটজেও বহু বলি' মানে!

—সংস্কৃত উদ্ভট শ্লোকের অনুবাদ

কুর্চি, তোমার লাগি পদ্যেরে ভুলেছে অন্তমনা
যে-ভ্রমর, শুনি না কি তা'রে কবি ক'রেছে ভৎসনা।
আমি সেই ভ্রমরের দলে। তুমি আভিজাতাহীনা,
নামের গৌরবহারা; শ্বেতভূজা ভারতীর বীণা
তোমারে করেনি অভ্যর্থনা অলঙ্কার-ঝঙ্কারিত
কাব্যের মন্দিরে। তবু সেথা তব স্থান অব্যাহত,
বিশ্বলক্ষ্মী ক'রেছেন আমন্ত্রণ যে-প্রাক্ষণতলে
প্রসাদচিহ্নিত তাঁর নিত্যকার অতিথির দলে।
আমি কবি লজ্জা পাই কবির অগ্রায় অবিচারে
হে সুন্দরী। শাস্ত্রদৃষ্টি দিয়ে তা'রা দেখেছে তোমারে,

রসদৃষ্টি দিয়ে নহে ; শুভদৃষ্টি কোনো স্নলগনে
ঘটিতে পারেনি তাই, ওদাস্তের মোহ-আবরণে
রহিলে কুণ্ঠিত হ'য়ে ।

তোমাতে দেখেছি সেই কবে
নগরে হাটের ধারে, জনতার নিত্য কলরবে,—
ইটকাঠপাথরের শাসনের সঙ্কীর্ণ আড়ালে,
প্রাচীরের বহিঃপ্রাস্তে ।—সূর্য্যপানে চাহিয়া দাঁড়ালে
সকরণ অভিমানে ;—সহসা প'ড়েছে যেন মনে
একদিন ছিলে যবে মহেন্দ্রের নন্দন-কাননে—
পারিজাত-মঞ্জরীর লীলার সঙ্গিনীরূপ ধরি'
চিরবসন্তের স্বর্গে,—ইন্দ্রাণীর সাজাতে কবরী ;
অম্বরীর নৃত্যলোল মণিবন্ধে কঙ্কণবন্ধনে
পেতে দোল তালে তালে ; পূর্ণিমার অমল চন্দনে
মাখা হ'য়ে নিঃশ্বসিতে চল্লমার বক্ষোহার 'পরে ।
অদূরে কঙ্কর-কঙ্ক লৌহপথে কঠোর ঘর্ষরে
চ'লেছে আগ্নেয়রথ, পণ্যভারে কম্পিত ধরায়
ঔদ্ধত্য বিস্তারি' বেগে ; কটাক্ষে কেহ না ফিরে চায়
অর্থমূল্যহীন তোমাপানে, হে তুমি দেবের প্রিয়া,
স্বর্গের ছললী । যবে নাটমন্দিরের পথ দিয়া
বেসুর অম্বর চলে, সেইক্ষণে তুমি একাকিনী
দক্ষিণ বায়ুর ছন্দে বাজায়েছ সুগন্ধ কিকিণী
বসন্তবন্দনানৃত্যে,—অবজিয়া অন্ধ অবজ্ঞারে,
ঐশ্বর্য্যের ছদ্মবেশী ধূলির ছঃসহ অহঙ্কারে
হানিয়া মধুর হাস্য ; শাখায় শাখায় উজ্জ্বলিত
ক্লাস্তিহীন সৌন্দর্য্যের আশ্রহারে অজস্র অমৃত
ক'রেছে নিঃশব্দ নিবেদন ।

মোর মুঞ্চ চিত্তময়

সেইদিন অকস্মাৎ আমার প্রথম পরিচয়
তোমা সাথে । অনাদৃত বসন্তেরে আবাহন গীতে
প্রণমিয়া, উপেক্ষিতা, শুভক্ষণে কৃতজ্ঞ এ চিতে
পদাঙ্গিলে অক্ষয় গৌরবে । সেইক্ষণে জানিলাম,
হে আত্মবিস্মৃত তুমি, ধরাতলে সত্য তব নাম
সকলেই ভুলে গেছে, সে নাম প্রকাশ নাহি পায়
চিকিৎসাশাস্ত্রের গ্রন্থে পণ্ডিতের পুঁথির পাতায় ;
গ্রামের গাথার ছন্দে সে নাম হয়নি আজো লেখা,
গানে পায় নাই সুর ।—সে নাম কেবল জানে একা
আকাশের সূর্য্যদেব, তিনি তাঁর আলোক-বীণায়
সে নামে বঙ্কর দেন, সেই সুর ধূলিরে চিনায়
অপূর্ব্ব ঐশ্বর্য্য তা'র ; সে সুরে গোপন বার্তা জানি'
সন্ধানী বসন্ত হাসে । স্বর্গ হ'তে চুরি ক'রে আনি'
এ ধরা, বেদের মেয়ে, তোরে রাখে কুটীরে কানাচে
কটুনামে লুকাইয়া, হঠাৎ পড়িস্ ধরা পাছে ।
পণ্যের কর্কশধ্বনি এ নামে কদর্যা আবরণ
রচিয়াছে ; তাই তোরে দেবী ভারতীর পদ্মবন
মানে নি স্বজাতি ব'লে, ছন্দ তোরে করে পরিহার,—
তা ব'লে হবে কি ক্ষুণ্ণ কিছুমাত্র তোর শুচিতার ?
সূর্য্যের আলোর ভাষা আমি কবি কিছু কিছু চিনি,
কুর্চি, প'ড়েছো ধরা, তুমিই রবির আদরিণী ॥

শান্তিনিকেতন,

১০ই বৈশাখ, ১৩৩৪

শাল

প্রায় ত্রিশ বছর হ'লো শান্তিনিকেতনের শালবীথিকায় আমার সেদিনকার এক কিশোর কবিবন্ধুকে পাশে নিয়ে অনেক দিন অনেক সায়াহ্নে পায়চারী ক'রেছি। তাকে অন্তরের গভীর কথা বলা বড়ো সহজ ছিল। সেই আমাদের যত আলাপগুঞ্জরিত রাত্রি, আশ্রম-বাসের ইতিহাসে আমার চিরন্তন স্মৃতিগুলির সঙ্গেই গ্রথিত হ'য়ে আছে। সে কবি আজ ইহলোকে নেই। পৃথিবীতে মানুষের প্রিয়-সঙ্গের কত ধারা কত নিভৃত পথ দিয়ে চ'লেচে। এই স্তব্ধ তরুশ্রেণীর প্রাচীন ছায়ায় সেই ধারা তেমন ক'রে আরো অনেক ব'য়ে গেচে, আরো অনেক বইবে। আমরা চ'লে যাবো কিন্তু কালে কালে বারে বারে বনুসঙ্গের জন্ত এই ছায়াতল র'য়ে গেল। যেমন অতীতের কথা ভাব'চি—তেমনি ঐ শালশ্রেণীর দিকে চেয়ে বহুদূর ভবিষ্যতের ছবিও মনে আস'চে।

বাহিরে যখন ক্ষুদ্র দক্ষিণের মন্দির পবন
অরণ্যে বিস্তারে অধীরতা ; যবে কিংগুকের বন
উচ্ছ্বল রক্তরাগে স্পর্ধায় উত্তত ; দিশিদিশি
শিমূল ছড়ায় ফাগ ; কোকিলের গান অহর্নিশ
জানেনা সংযম, যবে বকুল অজস্র সর্বনাশে
স্থলিত দলিত বনপথে, তখন তোমার পাশে
আসি আমি হে তপস্বী শাল, যেথায় মহিমারশি
পুঞ্জিত ক'রেছো অব্রভেদী, যেথা র'য়েছো বিকাশি'
দিগন্তে গভীর শান্তি। অন্তরের নিগূঢ় গভীরে
ফুল ফুটাবার ধ্যানে নিবিষ্ট র'য়েছো উর্দ্ধশিরে ;

চৌদিকের চঞ্চলতা পশে না সেথায় । অন্ধকারে
 নিঃশব্দ সৃষ্টির মস্ত্র নাড়ী বেয়ে শাখায় সঞ্চারে ;
 সে অমৃত মস্ত্র-তেজ নিলে ধরি' সূর্যালোক হ'তে
 নিভৃত মর্শ্বের মাঝে ; স্নান করি' আলোকের স্রোতে
 শুনি' নিলে নীল আকাশের শাস্তিবাণী ; তা'র পরে
 আত্মসমাহিত তুমি, স্তব্ধ তুমি,—বৎসরে বৎসরে
 বিশ্বের প্রকাশ-যজ্ঞে বারম্বার করিতেছ দান
 নিপুণ সুন্দর তব কমণ্ডলু হ'তে অফুরান
 পুণ্যগন্ধী প্রাণধারা ; সে ধারা চ'লেছে ধীরে ধীরে
 দিগন্তে শ্যামল উষ্মি উচ্ছ্বাসিয়া, দূর শতাব্দীরে
 শুনাতে মর্শ্বের আশীর্ব্বাণী । ১ রাজার সাম্রাজ্য কত শত
 কালের বন্যায় ভাসে, ফেটে যায় বৃদ্ধদের মতো,
 মানুষ্যের ইতিবৃত্ত সুদুর্গম গৌরবের পথে
 কিছুদূর যায়, আর বারম্বার ভগ্নচূর্ণ রথে
 কীর্ণ করে ধূলি । তারি মাঝে উদার তোমার স্থিতি,
 ওগো মহা শাল, তুমি সুবিশাল কালের অতিথি ;
 আকাশেরে দাও সঙ্গ বর্ণরঞ্জে শাখার ভঙ্গীতে,
 বাতাসেরে দাও মৈত্রী পল্লবের মর্শ্বের সঙ্গীতে,
 মঞ্জরীর গন্ধের গণ্ডুষে । যুগে যুগে কত কাল
 পথিক এসেছে তব ছায়াতলে, ব'সেছে রাখাল,
 শাখায় বেঁধেছে নীড় পাখী ; যায় তা'রা পথ বাহি'
 আসন্ন বিস্মৃতি পানে, উদাসীন তুমি আছ চাহি' । ১
 নিত্যের মালার সূত্রে অনিত্যের যত অক্ষগুটি
 অস্তিত্বের আবর্তনে দ্রুতবেগে চলে তা'রা ছুটি' ;
 মর্ত্যপ্রাণ তাহাদের ক্ষণেক পরশ করে যেই
 পায় তা'রা জপ-নাম, তা'র পরে আর তা'রা নেই,

নেমে যায় অসংখ্যের তলে । <সেই চ'লে-যাওয়া দল
 রেখে দিয়ে গেছে যেন ক্ষণিকের কলকোলাহল
 দক্ষিণ হাওয়ায় কাঁপা ওই তব পত্রের কল্লোলে,
 শাখার দোলায় । ওই ধ্বনি স্রবণে জাগায়ে তোলে
 কিশোর বন্ধুরে মোর ।> কতদিন এই পাতা-ঝরা
 বীথিকায়, পুষ্পগন্ধে বসন্তের আগমনী-ভরা
 সায়াহ্নে ছুজনে মোরা ছায়াতে অঙ্কিত চন্দ্রালোকে
 ফিরেছি গুঞ্জিত আলাপনে । তা'র সেই মুগ্ধ চোখে
 বিশ্ব দেখা দিয়েছিলো নন্দন-মন্দার রঙে রাঙা ;
 যৌবন-তুফান-লাগা সেদিনের কত নিদ্রা-ভাঙা
 জ্যোৎস্নামুগ্ধ রজনীর সৌহার্দের সুধারসধারা
 তোমার ছায়ার মাঝে দেখা দিল, হ'য়ে গেল সারা ।
 গভীর আনন্দক্ষণ কতদিন তব মঞ্জরীতে
 একান্ত মিশিয়াছিল একখানি অখণ্ড সঙ্গীতে
 আলোকে আলাপে হাস্তে, বনের চঞ্চল আন্দোলনে,
 বাতাসের উদাস নিঃশ্বাসে ।

শ্রীতিমিলনের ক্ষণে

সেদিনের প্রিয় সে কোথায়, বর্ষে বর্ষে দোলা দিত
 যাহার প্রাণের বেগ উৎসব করিয়া তরঙ্গিত ।
 তোমার বীথিকাতলে তা'র মুগ্ধ জীবন-প্রবাহ
 আনন্দ-চঞ্চল গতি মিলায়েছে আপন উৎসাহ
 পুষ্পিত উৎসাহে তব । হায়, আজি তব পত্র-দোলে
 সেদিনের স্পর্শ নাই । তাই এই বসন্ত-কল্লোলে,
 পূর্ণিমার পূর্ণতায়, দেবতার অমৃতের দানে
 মর্ত্যের বেদনা মেশে ।

চাহি আজ দূর পানে

স্বপ্নচ্ছবি চোখে ভাসে,—ভাবী কোন্ ফাল্গুনের রাতে
 দোল-পূর্ণিমায়, সাজাতে আসিছে কা'রা পদ্মপাতে
 পলাশ বকুল চাঁপা, আলিম্পন-লেখা এঁকে দিতে
 তব ছায়া-বেদিকায়, বসন্তের আবাহন গীতে
 প্রসন্ন করিতে তব পুষ্প-বরিষণ । সে-উৎসবে
 আজিকার এই দিন পথপ্রান্তে লুপ্তিত নীরবে ।
 কোলে তা'র প'ড়ে আছে এ-রাত্রির উৎসবের ডালা ।
 আজিকার অর্ঘ্যে আছে যতগুলি সুরে-গাঁথা মালা,
 কিছু তা'র শুকায়েছে, কিছু তা'র আছে অমলিন ;
 ছুয়েকটি তুলে' নিল যাত্রীদল ; সে-দিন এ-দিন
 দৌহে দৌহা মুখ চেয়ে বদল করিয়া নিল মালা,—
 নূতনে ও পুরাতনে পূর্ণ হ'লো বসন্তের পালা ॥

মধু-মঞ্জরী

এ লতার কোনো একটা বিদেশী নাম নিশ্চয় আছে—জানিনে, জানার দরকারও নেই। আমাদের দেশের মন্দিরে এই লতার ফুলের ব্যবহার চলে না,—কিন্তু মন্দিরের বাহিরের যে দেবতা মুক্তস্বরূপে আছেন তাঁর প্রচুর প্রসন্নতা এর মধ্যে বিকশিত। কাব্যসরস্বতী কোনো মন্দিরের বন্দিনী দেবতা নন, তাঁর ব্যবহারে এই ফুলকে লাগাবো ঠিক ক'রেচি, তাই নতুন ক'রে নাম দিতে হ'লো। রূপে রসে এর মধ্যে বিদেশী কিছুই নেই, এদেশের হাওয়ায় মাটিতে এর একটুও বিতুষা দেখা যায় না, তাই দিশী নামে এ'কে আপন ক'রে নিলেম।

প্রত্যাশী হ'য়ে ছিনু এত কাল ধরি',
বসন্তে আজ ছুয়ারে, আ মরি মরি,
ফুল-মাধুরীর অঞ্জলি দিল ভরি'
মধু-মঞ্জরীলতা।

কতদিন আমি দেখিতে এসেছি প্রাতে
কচি ডালগুলি ভরি' নিয়ে কচি পাতে
আপন ভাষায় যেন আলোকের সাথে
কহিতে চেয়েছে কথা ॥

কতদিন আমি দেখেছি গোখুলি কালে
সোনালি ছায়ার পরশ লেগেছে ডালে,
সন্ধ্যাবায়ুর মৃদু-কাঁপনের তালে
কী যেন ছন্দ শোনে।

গহন নিশীথে ঝিল্লি যখন ডাকে,
দেখেছি চাহিয়া জড়িত ডালের কাঁকে
কাল-পুরুষের ইঙ্গিত যেন কা'কে
দূর দিগন্ত-কোণে ॥

শ্রাবণে সঘন ধারা ঝরে ঝরঝর
পাতায় পাতায় কেঁপে ওঠে থরথর,
মনে হয় ওর হিয়া যেন ভর-ভর
বিশ্বের বেদনাতে ।

কতবার ওর মর্মে গিয়েছি চলি'
বুঝিতে পেরেছি কেন উঠে চঞ্চলি,
শরৎ শিশিরে যখন সে ঝলমলি'
শিহরায় পাতে পাতে ॥

ভুবনে ভুবনে যে-প্রাণ সীমানা-হারা
গগনে গগনে সিঞ্চিল গ্রহতারা
পল্লবপুটে ধরি' লয় তারি ধারা,
মজ্জায় লহে ভরি' ।

কী নিবিড় যোগ এই বাতাসের সনে,
যেন সে পরশ পায় জননীর স্তনে,
সে পুলকখানি কত-যে, সে মোর মনে
বুঝিব কেমন করি' ॥

বাতাসে আকাশে আলোকের মাঝখানে—
 ঋতুর হাতের মায়ামন্ত্রের টানে
 কী-যে বাগী আছে প্রাণে প্রাণে ওই জানে,
 মন তা জানিবে কিসে ?

যে-ইন্দ্রজাল ছ্যলোকে ভুলোকে ছাওয়া,
 বুকের ভিতর লাগে ওর তারি হাওয়া,—
 বুঝিতে যে চাই কেমন সে ওর পাওয়া,
 চেয়ে থাকি অনিমিষে ॥

ফুলের গুচ্ছে আজি ও উচ্ছ্বসিত,
 নিখিল-বাগীর রসের পরশামৃত
 গোপনে গোপনে পেয়েছে অপরিমিত
 ধরিতে না পারে তা'রে ।

ছন্দে গন্ধে রূপ-আনন্দে ভরা,
 ধরণীর ধন গগনের মন-হরা,
 শ্যামলের বীণা বাজিল মধুস্বর
 ঝঙ্কারে ঝঙ্কারে ॥

আমার ছয়াতে এসেছিলো নাম তুলি'
 পাতা-ঝলমল অঙ্কুরখানি তুলি'
 মোর আঁখিপানে চেয়েছিলো তুলি' তুলি'
 করুণ প্রশ্ন-রতা ।

তারপরে কবে দাঁড়ালো যেদিন ভোরে
ফুলে ফুলে তা'র পরিচয়লিপি ধ'রে
নাম দিয়ে আমি নিলাম আপন ক'রে
মধু-মঞ্জরীলতা ॥

তারপরে যবে চ'লে যাবো অবশেষে
সকল ঋতুর অতীত নীরব দেশে,
তখনো জাগাবে বসন্ত ফিরে এসে
ফুল-ফোটাবার ব্যথা ।

বরষে বরষে সেদিনো তো বারে বারে
এমনি করিয়া শূণ্য ঘরের দ্বারে
এই লতা মোর আনিবে কুসুমভারে
ফাগুনের আকুলতা ॥

তব পানে মোর ছিল যে প্রাণের স্রীতি
ওর কিশলয়ে রূপ নেবে সেই স্মৃতি,
মধুর গন্ধে আভাসিবে নিতি নিতি
সে মোর গোপন কথা ।

অনেক কাহিনী যাবে যে সেদিন ভুলে,
স্মরণ-চিহ্ন কত যাবে উন্মূলে ;
মোর দেওয়া নাম লেখা থাক্ ওর ফুলে
মধু-মঞ্জরীলতা ॥

নারিকেল

সমুদ্রের ধারে জমিতেই নারিকেলের সহজ আবাস। আমাদের আশ্রমের মাঠ সেই সমুদ্র-কূল থেকে বহুদূরে। এখানে অনেক যত্নে একটি নারিকেলকে পালন করে তোলা হ'য়েচে—সে নিঃসঙ্গ, নিঃফল, নিঃশব্দ। তাকে দেখে মনে হয় সে যেন প্রাণপণে ঝুঁপু হ'য়ে দাঁড়িয়ে দিগন্ত অতিক্রম করে কোনো এক আকাঙ্ক্ষার ধনকে দেখবার চেষ্টা ক'রচে। নির্বাসিত তরুর মজার মধ্যে সেই আকাঙ্ক্ষা! এখানে আলোণা মাটিতে সমুদ্রের স্পর্শমাত্র নেই, গাছের শিকড় তা'র বাহিত রস এখানে সন্ধান ক'রচে, পাছে না, সে উপবাসী, ধরণীর কাছে তা'র কান্নার সাড়া মিলে না। আকাশে উদ্ভত হ'য়ে উঠে তা'র যে-সন্ধানদৃষ্টিকে সে দিগন্তপারে পাঠাচ্ছে, দিনান্তে সন্ধ্যাবেলায় সেই তা'র সন্ধানেরই সজীব মূর্তির মতো পাখী তা'র দৌল্যমান শাখায় প্রতিদিন ফিরে ফিরে আসে।

আজ বসন্তে প্রথম কোকিল ডেকে উঠলো। দক্ষিণ হাওয়ায় আজ কি সমুদ্রের বাণী এসে পৌছলো, যে-বাণী সমুদ্রের কূলে কূলে বধির মাটির স্বপ্তিকে নিয়তই অশান্ত তরঙ্গমঞ্জে আন্দোলিত করে তুলে? তাই কি আজ সেই দক্ষিণ সমুদ্র থেকে তা'র তাণ্ডব-নৃত্যের স্পর্শ এই গাছের শাখায় শাখায় চঞ্চল? সমুদ্রের রুদ্ধ ডমরুর জাগরণী কি এরই পল্লব-মঞ্চেরে তা'র ক্ষীণ প্রতিধ্বনি জাগিয়েচে? বিবরহী তরু কি আজ আপন অন্তরে সেই হৃদয় বন্ধুর বার্তা পেলো, যে-বন্ধুর মহাগানে অভিনন্দিত হ'য়ে কোন্ অতীত যুগে একদিন কোনো প্রথম নারিকেল, প্রাণযাত্রীরূপে জীবলোকে যাত্রা শুরু ক'রেছিলো? সেই যুগারম্ভ প্রভাতের আদিম উৎসবে মহাপ্রাণের যে-স্পর্শপুলক জেগেছিলো তাই আজ ফিরে পেয়ে কি ঐ গাছটির স্মৃৎসরের অবসাদ আজ বসন্তে ঘুচ্ছিলো? তা'র জীবনের জয়পতাকা আবার আজ কি ঐ নব উৎসাহে নীলাশ্বরে আন্দোলিত? যেন একটা আচ্ছাদন উঠে গেল, তা'র মজার মধ্যে প্রাণশক্তি যে-আশ্বাসবাণী প্রচ্ছন্ন হ'য়েছিলো তাকেই আজ কি ফিরে পেলে, যে-বাণী ব'ল্চে—“চলো প্রাণতীর্থে, জয় করো মৃত্যুকে।”

সমুদ্রের কূল হ'তে বহুদূরে শব্দহীন মাঠে
 নিঃসঙ্গ প্রবাস তব, নারিকেল,—দিনরাত্রি কাটে
 যে-প্রচ্ছন্ন আকাজক্ষায় বুঝিতে পারো না তাহা নিজে ।
 দিগন্তেরে অতিক্রমি' দেখিতে চাহিছ তুমি কী-যে
 দীর্ঘ করি' দেহ তব, মজ্জায় র'য়েছে তা'র স্মৃতি
 গৃহ হ'য়ে ।> মাটির গভীরে যে-রস খুঁজিছ নিতি
 কী স্বাদ পাও না তাহে, অন্নে তা'র কী অভাব আছে,
 তাই তো শিকড় উপবাসী কাঁদে ধরণীর কাছে ।
 আকাশে র'য়েছো চেয়ে রাত্রিদিন কিসের প্রত্যাশে
 বাক্যহারা ! বারবার শূন্য হ'তে ফিরে ফিরে আসে
 তোমার সন্ধানরূপী সন্ধ্যাবেলাকার শ্রান্ত পাখী
 লম্বিত শাখায় তব ।

ঐ শুন উঠিয়াছে ডাকি'
 বসন্তের প্রথম কোকিল । সে বাণী কি এলো প্রাণে
 দক্ষিণ পবন হ'তে, যে বাণী সমুদ্র শুধু জানে ;
 পৃথিবীর কূলে কূলে যে বাণী গম্ভীর আন্দোলনে
 বধির মাটির স্রুতি কাঁপায় তুলিছে প্রতিধ্বনে
 অশান্ত-তরঙ্গ-মন্ড্রে, দক্ষিণ সাগর হ'তে একি
 তাণ্ডব নৃত্যের স্পর্শ শাখার হিল্লোলে তব দেখি
 মুহূর্মুহু চঞ্চলিত ?

রুদ্র ডমরুর জাগরণী
 পল্লব-মর্শ্বরে তব পেয়েছে কি ক্ষীণ প্রতিধ্বনি ?
 কান পেতে ছিলে তুমি,—হে বিরহী, বসন্তে কি আজি
 সুদূর বন্ধুর বার্তা অন্তবে উঠিল তব বাজি',—
 যে বন্ধুর মহাগানে একদিন সূর্যের আলোতে
 রোমাঞ্চিয়া বাহিরিলে, প্রাণ-যাত্রী, অন্ধকার হ'তে ?

আজি কি পেয়েছো ফিরে প্রাণের পরশ-হর্ষ সেই
 যুগারম্ভ প্রভাতের আদি উৎসবের ঠ—নিমেষেই
 অবসাদ দূরে গেল, জীবনের বিজয়-পতাকা
 আবার চঞ্চল হ'লো নীলাম্বরে, খুলে গেল ঢাকা,
 খুঁজে পেলো, যে আশ্বাস অন্তরে কহিছে রাত্রিদিন—
 “প্রাণ-তীর্থে চলো, মৃত্যু করো জয়, শ্রান্তিক্লান্তিহীন ॥”

চামেলি-বিতান

চামেলি-বিতানের নীচের ছায়ায় আমি ব'সতুম—ময়ূর এসে ব'সতো উপরে, লতার আশ্রয়-বেষ্টনী থেকে পুচ্ছ ঝুলিয়ে। জানি সে আমাকে কিছু-মাত্র সম্মান ক'রতো না, কিন্তু সৌন্দর্যের যে অর্ঘ্যভার সে বহন করে বেড়াতো তা'র অজ্ঞাতে আমি নিজেই সেটি প্রতিদিন গ্রহণ ক'রেছি। এমন অসঙ্কোচে সে যে দেখা দিয়ে যায় এ'তে আমি কৃতজ্ঞ ছিলাম, সে যে আমাকে ভয় করেনি এ আমার সৌভাগ্য। আরো তা'র কয়েকটি সঙ্গী সঙ্গিনী ছিল কিন্তু দূরের হ্রাশায় ওদের কোথায় টেনে নিয়ে গেল, আমিও চলে এসেছি সেই চামেলির স্নগন্ধি ছায়ায় আশ্রয় থেকে অগ্নি জায়গায়। বাইরে থেকে এই পরিবর্তনগুলি বেশি কিছু নয়, তবু অস্তরের মধ্যে ভাঙাচোরার দাগ কিছু কিছু থেকে যায়। শুনেছিলাম আমাদের প্রদেশে কোনো এক নদীগর্ভজাত দ্বীপ ময়ূরের আশ্রয়। ময়ূর হিন্দুর অবধ্য। মৃগয়া-বিলাসী ইংরেজ এই দ্বীপের নিষেধকে উপেক্ষা ক'রতে পারেনি অথচ গুলি ক'রে ময়ূর মারবার প্রবল আনন্দ থেকে বঞ্চিত হওয়া তা'র পক্ষে অসম্ভব হওয়াতে পার্শ্ববর্তী দ্বীপে খাছের প্রলোভন বিস্তার ক'রে ভুলিয়ে নিয়ে এসে ময়ূর মারতো। বান্দীকির শাপকে এ যুগের কবি পুনরায় প্রচার না ক'রে থাকতে পারলো না।

মা নিষাদ প্রতিষ্ঠাং স্বং

অগমঃ শাস্ত্রতীঃ সমাঃ।

ময়ূর, করোনি মোরে ভয়,

সেই গর্ভ, সেই মোর জয়।

বাহিরেতে আমলকী

করিতেছে ঝকমকি,

বটের উঠেছে কচি পাতা,

হোথায় ছুয়ার থেকে
 আমারে গিয়েছোঁ দেখে,
 খুলিয়া ব'সেছি মোটা খাতা ।
 লিখিতেছি নিজ মনে,—
 হেরি' তাই আঁখিকোণে
 অবজ্জায় ফিরে যাও চলি',
 বোঝোনা, লেখনী ধরি'
 কী যে এত খুঁটে মরি,
 আমারে জেনেছোঁ মূঢ় বলি' ॥

সেই ভালো' জানো যদি তাই,
 তাহে মোর কোনো খেদ নাই ।
 তবু আমি খুসি আছি,
 আসো তুমি কাছাকাছি,
 মোরে দেখে নাহি করো ত্রাস ।
 'যদিও মানব, তবু
 আমারে ক'রো না কভু
 দানব বলিয়া অবিশ্বাস ।
 সুন্দরের দূত তুমি,
 এ ধূলির মর্ত্যভূমি,
 স্বর্গের প্রসাদ হেথা আনো,
 তবুও বধি না তোরে,
 বাঁধি না পিঞ্জরে ধ'রে,
 এও কি আশ্চর্য্য নাহি মানো ॥

কাননের এই এক কোণা,—

হেথায় তোমার আনাগোনা ।

চামেলি-বিতানতল

মোর বসিবার স্থল,

দিন যবে অবসান হয় ।

‘হেথা আসো কী যে ভাবি’,

মোর চেয়ে তোর দাবী

বেশি বই কম কিছু নয় ।’

জ্যোৎস্না ডালের কাঁকে

হেথা আল্পনা আঁকে,

এ নিকুঞ্জ জানো আপনার ।

কচি পাতা যে বিশ্বাসে

দ্বিধাহীন হেথা আসে,

তোমার তেমনি অধিকার ॥

বর্ণহীন রিক্ত মোর সাজ,

তারি লাগি পাছে পাই লাজ,

বর্ণে বর্ণে আমি তাই

ছন্দ রচিবারে চাই,

সুরে সুরে গীত চিত্র করি ।

আকাশেরে বাসি ভালো,

সকাল সন্ধ্যার আলো

আমার প্রাণের বর্ণে ভরি ।

ধরায় যেখানে, তাই,

তোমার গৌরব-ঠাই

সেথায় আমারো ঠাই হয় ।

সুন্দরের অমুরাগে
তাই মোর গর্ষ লাগে,
মোরে তুমি করো নাই ভয় ॥

তোমার আমার তরে জানি
মধুরের এই রাজধানী ।
তোর নাচ, মোর গীতি,
রূপ তোর, মোর প্রীতি,
তোর বর্ণ, আমার বর্ণনা,—
শোভনের নিমন্ত্রণে
চলি মোরা ছুইজনে,
তাই তুই আমার আপনা ।
সহজ রঙ্গের রঙ্গী
ওই যে গ্রীবার ভঙ্গী,
বিশ্বয়ের নাহি পাই পায় ।
তুমি-যে শঙ্কা না পাও,
নিঃসংশয়ে আসো যাও,
এই মোর নিত্য পুরস্কার ॥

নাশ করে যে আগ্নেয় বাণ
মূহূর্ত্তে অমূল্য তোর প্রাণ—
তা'র লাগি বসুন্ধরা
হয়নি সবুজে ভরা,
তা'র লাগি ফুল নাহি ধরে ।

যে-বসন্ত প্রাণে প্রাণে
বেদনার সুখা আনে
সে-বসন্ত নহে তা'র তরে ।
ছন্দ ভেঙে দেয় সে যে,
অকস্মাৎ উঠে বেজে
অর্থহীন চকিত চীৎকার,
ধূমাচ্ছন্ন অবিশ্বাস
বিশ্ববক্ষে হানে ত্রাস,
কুটিল সংশয় কদাকার ॥

সৃষ্টিছাড়া এই-যে উৎপাত
হানে দানবের পদাঘাত
পুণ্য পৃথিবীর শিরে,—
তা'র লজ্জা তুই কিরে
আনিতে পারিবি তোর মনে ?
অকৃতজ্ঞ নিষ্ঠুরতা
সৌন্দর্য্যে দেয় ব্যথা
কেন যে তা বুঝিবি কেমনে ?
কেন যে কদর্য্য ভাষা
বিধাতার ভালোবাসা
বিদ্রূপে করিছে ছারখার,
যে হস্ত দানেরি তরে
তারি রক্তপাত করে,
সেই লজ্জা নিখিলজ্ঞনার ॥

পরদেশী

পিয়র্সন্ কয়েক জোড়া সবুজরঙের বিদেশী পাখী আশ্রমে ছেড়ে দিয়ে-
ছিলেন। অনেক দিন তা'রা এখানে বাসা বেঁধে ছিল। আজকাল আর
দেখতে পাইনে। আশা করি কোনো নালিশ নিয়ে তা'রা চ'লে যাবনি,
কিন্তু এখানকার অল্প আশ্রমিক পশুপাখীর সঙ্গে বর্ণভেদ বা স্বরের পার্থক্য
নিয়ে তাদের সাম্প্রদায়িক দাঙ্গা হাঙ্গামা ঘটেনি।

এনেছে কবে বিদেশী সখা

বিদেশী পাখী আমার বনে,

সকাল সাঁঝে কুঞ্জমাঝে

উঠিছে ডাকি' সহজ মনে।

অজানা এই সাগর পারে

হ'লো না তা'র গানের ক্ষতি।

সবুজ তা'র ডানার আভা,

চপল তা'র নাচের গতি।

আমার দেশে যে-মেঘ এসে

নীপবনের মরমে মেশে,

বিদেশী পাখী গীতালি দিয়ে

মিতালি করে তাহার সনে ॥

বটের ফলে আরতি তা'র,

র'য়েছে লোভ নিমের তরে,

বন-জামেরে চঞ্চু তা'র

অচেনা ব'লে দোষী না করে।

শরতে যবে শিশির বায়ে
উচ্ছসিত শিউলি-বীথি,
বাণীরে তা'র করে না স্নান
কুহেলি-ঘন পুরাণে স্মৃতি ।

শালের ফুল-ফোটার বেলা
মধু-কাঙালী লোভীর মেলা,
চির-মধুর বঁধুর মতো
সে ফুল তা'র হৃদয় হরে ॥

বেণুবনের আগের ডালে
চটুল ফিঙা যখন নাচে
পরদেশী এ পাখীর সাথে
পরাণে তা'র ভেদ কি আছে ?
উষার ছোঁওয়া জাগায় ওরে
ছাতিম শাখে পাতার কোলে,
চোখের আগে যে-ছবি জাগে
মানে না তা'রে প্রবাস ব'লে ।
আলোতে সোনা, আকাশে নীলা,
সেখা যে চির-জানারি লীলা,
মায়ের ভাষা শোনে সেখানে
শ্রামল ভাষা যেখানে গাছে ॥

কুটীরবাসী

তরুণবিলাসী আমাদের এক তরুণ বন্ধু এই আশ্রমের এক কোণে পথের ধারে একখানি গোলাকার কুটীর রচনা ক'রেচেন। সেটি আছে একটি পুরাতন তালগাছের চরণ বেষ্টন ক'রে। তাই তা'র নাম হ'য়েছে তালধ্বজ। এটি যেন মোঁচাকের মতো, নিভৃতবাসের মধু দিয়ে ভরা। লোভনীয় ব'লেই মনে করি, সেই সঙ্গে এও মনে হয় বাসস্থান সম্বন্ধে অধিকারভেদ আছে; যেখানে আশ্রয় নেবার ইচ্ছা থাকে সেখানে হয় তো আশ্রয় নেবার যোগ্যতা থাকে না।

তোমার কুটীরের

সমুখবাটে

পল্লীরমণীরা

চ'লেছে হাটে।

উড়েছে রাঙা ধূলি, উঠেছে হাসি,—

উদাসী বিবাগীর চলার বাঁশি

অঁধারে আলোকেতে

সকাল সাঁঝে

পথের বাতাসের

বুকেতে বাজে ॥

যা-কিছু আসে যায়

মাটির 'পরে

পরশ লাগে তারি

তোমার ঘরে।

ঘাসের কাঁপা লাগে, পাতার দোলা,
 শরতে কাশ বনে তুফান-তোলা,
 প্রভাতে মধুপের
 গুন্-গুনানি,
 নিশীথে ঝিঁঝিঁ-রবে
 জাল-বুনানি ॥

দেখেচি ভোরবেলা
 ফিরিছ একা,
 পথের ধারে পাও
 কিসের দেখা ।
সহজে সুখী তুমি জানে তা কেবা,
 ফুলের গাছে তব স্নেহের সেবা,
 এ কথা কারো মনে
 র'বে কি কালি,
 মাটির 'পরে গেলে
 হৃদয় ঢালি' ?

দিনের পরে দিন
 যে-দান আনে
 তোমার মন তা'রে
 দেখিতে জানে ।
 নম্র তুমি, তাই সরল-চিত্তে
 সবার কাছে কিছু পেরেছো নিতে,—

উচ্চ পানে সদা
 মেলিয়া অঁখি
 নিজেরে পলে পলে
 দাওনি ফাঁকি ॥

চাওনি জিনে নিতে
 হৃদয় কারো,
 নিজের মন তাই
 দিতে যে পারো ।
 তোমার ঘরে আসে পথিক জন,
 চাহেনা জ্ঞান তা'রা, চাহেনা ধন,
 এটুকু বুঝে যায়
 কেমন ধারা
 তোমারি আসনের
 সরিক তা'রা ॥

তোমার কুটীরের
 পুকুর পাড়ে
 ফুলের চারাগুলি
 যতনে বাড়ে ।
 তোমারো কথা নাই, তা'রাও বোবা,
 কোমল কিশলয়ে সরল শোভা ।
 অন্ধা দাও, তবু
 মুখ না খোলে,
 সহজে বোঝা যায়
 নীরব ব'লে ॥

তোমারি মতো তব
 কুটার খানি,
 স্নিগ্ধ ছায়া তা'র
 বলে না বাণী ।
 তাহার শিয়রেতে তালের গাছে
 বিরল পাতা ক-টি আলোয় নাচে,
 সমুখে খোলা মাঠ
 করিছে ধূ ধূ,
 দাঁড়ায়ে দূরে দূরে
 খেজুর শুধু ॥

তোমার বাসাখানি
 অঁটিয়া মুঠি
 চাহে না অঁকড়িতে
 কালের ঝুঁটি ।
 দেখি যে পথিকের মতোই তাকে,
 থাকা ও না-থাকার সীমায় থাকে ।
 ফুলের মতো ও যে,
 পাতার মতো,
 যখন যাবে, রেখে
 যাবে না ক্ষত ॥

নাইকো রেষারেষি
 পথে ও ঘরে,
 তাহারা মেশামেশি
 সহজে করে ।

কীৰ্ত্তিজালে ঘেরা আমি তো ভাবি—
তোমার ঘরে ছিল আমারো দাবী ;
হারায়ে ফেলেছি সে
ঘৃণিবায়ে,
অনেক কাজে, আর
অনেক দায়ে ॥

হাসির পাথেয়

তখন আমার অল্প বয়স। পিতা আমাকে সঙ্গে ক'রে হিমালয়ে চ'লেচেন ড্যাংহোসী পাহাড়ে। সকাল বেলায় ডাঙি চ'ড়ে বেরোতুম, অপরাহ্নে ডাক-বাংলায় বিশ্রাম হ'তো। আজ্ঞা মনে আছে এক জায়গায় পথের ধারে ডাঙিওয়ালারা ডাঙি নামিয়েছিলো। সেখানে শ্রাওলায় শ্রামল পাথরগুলোর উপর দিয়ে গুহার ভিতর থেকে ঝরনা নেমে উপত্যকায় কলশক্ষে ঝ'রে প'ড়'চে। সেই প্রথম দেখা ঝরনার রহস্য আমার মনকে প্রবল ক'রে টেনেছিলো। এদিকে ডানপাশে পাহাড়ের ঢালু গায়ে স্তরে স্তরে শস্যক্ষেত হল্‌দে ফুলে ছাওয়া—দেখে দেখে তৃপ্তির শেষ হয় না—কেবলি ভাবি এইগুলো ভ্রমণের লক্ষ্য কেন না হবে, কেবল ক্ষণিক উপলক্ষ্য কেন হয়? সেই ঝরনা কোন্ নদীর সঙ্গে মিলে কোথায় গেছে জানিনে কিন্তু সেই মুহূর্তকালের প্রথম পরিচয়টুকু কখনো ভুলবো না।

হিমালয় গিরিপথে চ'লেছিছু কবে বাল্যকালে
মনে পড়ে। ধূর্জটীর তাণ্ডবের ডম্বরুর তালে
যেন গিরি পিছে গিরি উঠিছে নামিছে বারেবারে
তপোঘন অরণ্যের তল হ'তে মেঘের মাঝারে
ধরার ইঙ্গিত যেথা স্তব্ধ রহে শূন্যে অবলীন,
তুষার-নিরুদ্ধ বাণী, বর্ণহীন বর্ণনাবিহীন।

সেদিন বৈশাখমাস, খণ্ড খণ্ড শস্যক্ষেত্রস্তরে
রৌদ্রবর্ণ ফুল ;—মেঘের কোমল ছায়া তারি 'পরে

যেন স্নিগ্ধ আকাশের ক্ষণে ক্ষণে নীচে নেমে এসে
 ধরণীর কানে কানে প্রশংসার বাক্য ভালোবেসে ।
 সেইদিন দেখেছিছু নিবিড় বিস্ময়মুগ্ধ চোখে
 চঞ্চল নির্বরধারা গুহা হ'তে বাহিরি' আলোকে
 আপনাতে আপনি চকিত, যেন কবি বাঙ্গালীর
 উচ্ছ্বসিত অমুগ্ধুভ । স্বর্গে যেন সুর-সুন্দরীর
 প্রথম যৌবনোল্লাস, নুপুরের প্রথম ঝঙ্কার,
 আপনার পরিচয়ে নিঃসীম বিস্ময় আপনার,—
 আপনারি রহস্যের পিছে পিছে উৎসুক চরণে
 অপ্রাস্ত সন্ধান । সেই ছবিখানি রহিল স্মরণে
 চিরদিন মনোমাঝে ।

সেদিনের যাত্রাপথ হ'তে
 আসিয়াছি বহুদূরে ; আজি ক্লান্ত জীবনের শ্রোতে
 নেমেছে সন্ধ্যার নীরবতা । মনে উঠিতেছে ভাসি'
 শৈলশিখরের দূর নির্মল শুভ্রতা রাশি রাশি
 বিগলিত হ'য়ে আসে দেবতার আনন্দের মতো
 প্রত্যাশী ধরণী যেথা প্রণামে ললাট অবনত ।
 সেই নিরন্তর হাসি অবলীল গতিচ্ছন্দে বাজে
 কঠিন বাধায় কীর্ণ শঙ্কায় সঙ্কুল পথমাঝে
 হুর্গমেতে করি' অবহেলা । সে-হাসি দেখেছি বসি'
 শস্যভরা তটচ্ছায়ে কলস্বরে চ'লেছে উচ্ছসি'
 পূর্ণবেগে । দেখেছি অম্লান তা'রে তীব্র রৌদ্রদাহে
 শুষ্ক শীর্ণ দৈন্য-দিনে বহি' যায় অক্লান্ত প্রবাহে
 সৈকতিনী, রক্তচক্ষু বৈশাখে নিঃশঙ্ক কোতুকে
 কটাক্ষিয়া—অফুরান হাস্তধারা মৃত্যুর সম্মুখে ॥

হে হিমাদ্রি, স্নগম্ভীর, কঠিন তপস্যা তব গলি'
 ধরিজীরে করে দান যে-অমৃতবাগীর অঞ্জলি
 এই সে হাসির মন্ত্র, গতিপথে নিঃশেষ পাথেয়
 নিঃসীম সাহস বেগ, উল্লসিত অশ্রাস্ত অজেয় ॥

শান্তিনিকেতন

১লা বৈশাখ, ১৩৩৪

নটরাজ

প্রভুরক-শালা

ভূমিকা

✓ নৃত্য গীত ও আবৃত্তি যোগে “নটরাজ” দোল পূর্ণিমার রাত্রে শাস্তি-
নিকেতনে অভিনীত হ’য়েছিলো।

নটরাজের তাণ্ডবে তাঁর এক পদক্ষেপের আঘাতে বহিরাকাশে
রূপলোক আবর্তিত হ’য়ে প্রকাশ পায়, তাঁর অল্প পদক্ষেপের আঘাতে
অন্তরাকাশের রসলোক উন্মথিত হ’তে থাকে। অন্তরে বাহিরে মহাকালের
এই বিরাট নৃত্যচ্ছন্দে যোগ দিতে পারলে জগতে ও জীবনে অথও লীলারস
উপলব্ধির আনন্দে মন বন্ধনমুক্ত হয়। “নটরাজ” পালা-গানের এই
মর্ম্ম।

শাস্তিনিকেতন,
দোলপূর্ণিমা, ১৩৩৪

মুক্তি-তত্ত্ব

মুক্তি-তত্ত্ব শুনতে ফিরিস্
তত্ত্ব-শিরোমণির পিছে ?
হায়রে মিছে, হায়রে মিছে !

মুক্ত যিনি দেখ না তাঁরে,
আয় চ'লে তাঁর আপন দ্বারে,
তাঁর বাণী কি শুকনো পাতায়
হল্‌দে রঙে লেখেন তিনি ?

মরা ডালের ঝরা ফুলের
সাধন কি তাঁর মুক্তি-কূলের ?
মুক্তি কি পণ্ডিতের হাটে
উক্তি-রাশির বিকি-কিনি ?

এই নেমেছে চাঁদের হাসি
এই খানে আয় মিল'বি আসি',
বীণার তারে তারণ-মন্ত্র
শিখে নে তোর কবির কাছে ।

আমি নটরাজের চেলা,
চিত্তাকাশে দেখ্‌চি খেলা,
বাঁধন-খোলার শিখ্‌চি সাধন
মহাকালের বিপুল নাচে ।

দেখ্‌চি, ও যার অসীম বিত্ত
 সুন্দর তা'র ত্যাগের নৃত্য,
 আপ্নাকে তা'র হারিয়ে প্রকাশ
 আপ্নাতে যার আপ্নি আছে ।

যে-নটরাজ নাচের খেলায়
 ভিতরকে তা'র বাইরে ফেলায়,
 কবির বাণী অবাক্‌ মানি'
 তারি নাচের প্রসাদ যাচে ।

শুন্‌বি রে আয়, কবির কাছে
 তরুর মুক্তি ফুলের নাচে,
 নদীর মুক্তি আত্মহারা
 নৃত্যধারার তালে তালে ।

রবির মুক্তি দেখ্‌ না চেয়ে
 আলোক-জাগার নাচন গেয়ে,
 তারার নৃত্যে শূন্য গগন
 মুক্তি যে পায় কালে কালে ।

প্রাণের মুক্তি মৃত্যুরথে
 নূতন প্রাণের যাত্রা-পথে,
 জ্ঞানের মুক্তি সত্য-সূতার
 নিত্য-বোনা চিস্তাজালে ।

আয় তবে আয় কবির সাথে
মুক্তি-দোলের গুরুরাতে,
জ্বলো আলো, বাজলো মৃদঙ
নটরাজের নাট্যশালে ॥

উদ্বোধন

মন্দিরার মন্দির তব বক্ষে আজি বাজে, নটরাজ,
নৃত্যমদে মত্ত করে, ভাঙে চিন্তা, ভাঙে শঙ্কা লাজ,
তুচ্ছ করে সম্মানের অভিমান, চিত্ত টেনে আনে
বিশ্বের প্রাক্ষণতলে তব নৃত্যচ্ছন্দের সন্ধানে ।

মুক্তির প্রয়াসী আমি, শাস্ত্রের জটিল তর্কজালে
যৌবন হ'য়েছে বন্দী বাক্যের ছর্গের অন্তরালে ;
স্বচ্ছ আলোকের পথ রুদ্ধ করি' ক্ষুর গুহ ধূলি
আবর্তিয়া উঠে প্রাণে অন্ধতার জয়ধ্বজা তুলি'
চতুর্দিকে । নটরাজ, তুমি আজ করো গো উদ্ধার
দুঃসাহসী যৌবনের, পদে পদে পড়ুক তোমার
চঞ্চল চরণ ভঙ্গী, রঙ্গেশ্বর, সকল বন্ধনে
উত্তাল নৃত্যের বেগে,—যে-নৃত্যের অশাস্ত স্পন্দনে
ধূলিবন্দিশালা হ'তে মুক্তি পায় নব-শম্পদল ;
পুলকে কম্পিত হয় প্রাণের ছরস্তু কৌতূহল,
আপনারে সন্ধানিতে ছুটে যায় দূর কালপানে,
দুর্গম দেশের পথে, জন্ম-মরণের তালে তানে,
সৃষ্টির রহস্যদ্বারে নৃত্যের আঘাত নিত্য হানে ;
যে-নৃত্যের আন্দোলনে মরুর পঙ্করে কম্প আনে,
ক্ষুর হয় গুহতার সজ্জাহীন লজ্জাহীন শাদা,
উচ্ছিন্ন করিতে চায় জড়ত্বের রুদ্ধ-বাক্য বাধা,

বক্ষ্যতার অঙ্ক দুঃশাসন ; শ্যামলের সাধনাতে
 দীক্ষা ভিক্ষা করে মরু তব পায়ে ; যে-নৃত্য আঘাতে
 বহিবাষ্প-সরোবরে উষ্মি জাগে প্রচণ্ড চঞ্চল,
 অতল আবর্তবক্ষে গ্রহ-নক্ষত্রের শতদল
 প্রস্ফুটিয়া ক্ষুরে নিত্যকাল ; ধূমকেতু অকস্মাৎ
 উড়ায় উত্তরী হাস্যবেগে, করে ক্ষিপ্ত পদ-পাত
 তোমার ডম্বরতালে, পূজা-নৃত্য করি' দেয় সারা
 সূর্য্যের মন্দির-সিংহদ্বাবে, চ'লে যায় লক্ষ্যহারা
 গৃহশূন্য পান্থ উদাসীন ।

হুঁটারাজ, আমি তব

কবি-শিষ্য, নাটের অঙ্গনে তব মুক্তি-মন্ত্র লবো ।
 তোমার তাণ্ডব-তালে কন্মের বন্ধন-গ্রন্থগুলি
 ছন্দবেগে স্পন্দমান পাকে পাকে সছ যাবে খুলি' ;
 সর্ব্ব অমঙ্গল-সর্প হীনদর্প অবনম্র ফণা
 আন্দোলিবে শাস্ত-লয়ে ।

প্রভু, এই আমার বন্দনা

নৃত্যগানে অপিব চরণতলে, তুমি মোর গুরু,
 আজিকে আনন্দে ভয়ে বক্ষ মোর করে ছরু ছরু ।
 পূর্ণচন্দ্রে লিপি তব, হে পূর্ণ, পাঠালে নিমন্ত্রণে
 বসন্তদোলের নৃত্যে, দক্ষিণ-বায়ুর আলিঙ্গনে,
 মল্লিকার গন্ধোল্লাসে, কিংশুকের দীপ্ত রক্তাংশুকে,
 বকুলের মন্ততায়, অশোকের দোহল কোতুকে,
 বেণুবনবীথিকার নিরন্তর মর্ম্মরে কম্পনে
 ইঙ্গিতে ভঙ্গীতে, আত্মমঞ্জরীর সর্ব্বভ্যাগপণে,
 পলাশের গরিমায় । অবসাদে যেন অস্থমনে

তাল ভঙ্গ নাহি করি, তব নামে আমার আহ্বান
জড়ের স্তব্ধতা ভেদি' উৎসারিত ক'রে দিক্ গান !
আমার আহ্বান যেন অভ্রভেদী তব জটা হ'তে
উদ্ধারি' আনিতে পারে নির্ঝরিত রস-সুখা স্রোতে
ধরিত্রীর তপ্ত বক্ষে নৃত্যচ্ছন্দ-মন্দাকিনী ধারা,
ভস্ম যেন অগ্নি হয়, প্রাণ যেন পায় প্রাণ-হারা ॥

নৃত্য

গান

নৃত্যের তালে তালে, নটরাজ,
ঘুচাও সকল বন্ধ হে ।
সুপ্তি ভাঙাও, চিন্তে জাগাও
মুক্ত সুরের ছন্দ হে ॥
তোমার চরণ-পবন-পরশে
সরস্বতীর মানস সরসে
যুগে যুগে কালে কালে,
সুরে সুরে তালে তালে,
ঢেউ তুলে দাও মাতিয়ে জাগাও
অমল কমল গন্ধ হে ॥

নমো নমো নমো —
তোমার নৃত্য অমিত বিস্ত
ভরুক্ চিন্তা মম ।

নৃত্যে তোমার মুক্তির রূপ,
নৃত্যে তোমার মায়া ।
বিশ্বতন্ত্রিতে অণুতে অণুতে
কাঁপে নৃত্যের ছায়া ।
তোমার বিশ্ব-নাচের দোলায়
বাঁধন পরায়, বাঁধন খোলায়,

যুগে যুগে কালে কালে,
 সুরে সুরে তালে তালে ;
 অস্ত কে তা'র সন্ধান পায়
 ভাবিতে লাগায় ধন্দ হে ॥

নমো নমো নমো—
 তোমার নৃত্য অমিত বিস্ত
 ভরুক্ চিত্ত মম ।

নৃত্যের বশে সুন্দর হ'লো
 বিদ্রোহী পরমাণু ;
 পদযুগ ঘিরে জ্যোতি-মঞ্জীরে
 বাজিল চন্দ্র ভানু ।
 তব নৃত্যের প্রাণ-বেদনায়
 বিবশ বিশ্ব জাগে চেতনায়,
 যুগে যুগে কালে কালে
 সুরে সুরে তালে তালে,
 সুখে দুখে হয় তরঙ্গময়
 তোমার পরমানন্দ হে ॥

নমো নমো নমো—
 তোমার নৃত্য অমিত বিস্ত
 ভরুক্ চিত্ত মম ।

মোর সংসারে তাণ্ডব তব,
 কম্পিত জটাজালে ।
 লোকে লোকে ঘুরে এসেছি তোমার
 নাচের ঘূর্ণি তালে ।
 ওগো সন্ন্যাসী, ওগো সুন্দর,
 ওগো শঙ্কর, হে ভয়ঙ্কর,
 যুগে যুগে কালে কালে
 সুরে সুরে তালে তালে,
 জীবন-মরণ নাচের ডমরু
 বাজাও জলদ-মন্দ্র হে ॥

নমো নমো নমো—
 তোমার নৃত্য অমিত বিস্ত
 ভরুক্ চিত্ত মম ।

ঋতু-নৃত্য

বৈশাখ

ধ্যান-নিমগ্ন নীরব নগ্ন
নিশ্চল তব চিত্ত ;
নিঃস্ব গগনে বিশ্ব ভুবনে
নিঃশেষ সব বিস্ত ।

রসহীন তরু, নিজ্জীব মরু,
পবনে গর্জে রুদ্র ডমরু,
ঐ চারিধার করে হাহাকার
ধরা-ভাঙার রিক্ত ॥

তব তপ-তাপে হের' সবে কাঁপে,
দেব-লোক হ'লো ক্লান্ত ।
ইন্দ্রের মেঘ, নাহি তা'র বেগ,
বরুণ করুণ শাস্ত ।

হৃদ্দিনে আনে নির্দয় বায়ু,
সংহার করে কাননের আয়ু,
ভয় হয় দেখি, নিখিল হবে কি
জড়দানবের ভৃত্য ॥

জাগো ফুলে ফলে নব তৃণদলে
 তাপস, লোচন মেলো হে ।
 জাগো মানবের আশায় ভাষায়,
 নাচের চরণ ফেলো হে ।

জাগো ধনে ধানে, জাগো গানে গানে,
 জাগো সংগ্রামে, জাগো সন্ধানে,
 আশ্বাস-হারা উদাস পরাণে
 জাগাও উদার নৃত্য ॥

ভুলেছে ছন্দ, ভালোয় মন্দ
 একাকার তাই হয় রে ।
 কদর্য্য তাই করিছে বড়াই,
 ধরণী লজ্জা পায় রে ।

পিনাকে তোমার দাও টঙ্কার,
 ভীষণে মধুরে দিক্ ঝঙ্কার,
 ধূলায় মিশাক্ যা কিছু ধূলার,
 জয়ী হোক্ যাহা নিত্য ॥

বৈশাখ-আবাহন

গান

এসো, এসো, এসো, হে বৈশাখ !

তাপস নিঃশ্বাস বায়ে মুমূর্ষুরে দাও উড়িয়ে,
বৎসরের আবর্জনা দূর হ'য়ে যাক্ ।

যাক্ পুরাতন স্মৃতি, যাক্ ভুলে যাওয়া গীতি,
অশ্রুবাষ্প স্রুদূরে মিলাক্ ।

মুছে যাক্ সব গ্লানি, ঘুচে যাক্ জরা,
অগ্নিস্নানে দেহে প্রাণে শুচি হোক্ ধরা ।

রসের আবেশ রাশি গুচ্ছ করি' দাও আসি',
আনো, আনো, আনো তব প্রলয়ের শাঁখ,
মায়ার কুজ্ঝটি-জাল যাক্ দূরে যাক্ ॥

বৈশাখের প্রবেশ

নমো, নমো, হে বৈরাগী !
তপোবহ্নির শিখা জ্বালো জ্বালো,
নির্ব্বাণহীন নির্ম্মল আলো
অস্তুরে থাক্ জাগি' ।
নমো নমো হে বৈরাগী ॥

সম্ভোজন

ধূসর বসন, হে বৈশাখ,
 রক্ত লোচন, হে নির্ঝাক্,
 শুষ্কপথের দানব দম্য,
 শুষে নিতে চাও হাসি ও অশ্রু,
 ইঞ্জিতে দাও দারুণ ডাক।
 স্তম্ভিত হ'লো সে ডাকে পৃথি,
 ভাঙারে তা'র কাঁপিল ভিত্তি,
 শঙ্কায় তা'র শুকায় তালু,
 অট্ট হাসিল মরুর বালু।
 হুঙ্কার সেই তপ্ত হাওয়ায়
 প্রান্তর হ'তে প্রান্তরে ধায়,
 দিগ্ধবৃদের নীরবে কাঁদায়,
 শূণ্যে শূণ্যে উড়ায় ধূলি,
 বিজয়পতাকা আকাশে তুলি'।
 ছহিয়া ল'য়েছো গগন ধেনুরে,
 ঝরায়ে দিয়েছো শিরীষ রেণুরে,
 উদাস ক'রেছো রাখাল-বেণুরে
 তৃষাকরণ সারঙ্ তানে।
 শীর্ণ নদীর গেল সঞ্চয়,
 ঝিরিঝিরি জল ধীরি ধীরি বয়,
 আকুলিয়া উঠে কাননের ভয়
 ভীৰু কপোতের কাকলি গানে।

ধূসর বসন, হে বৈশাখ,
 রক্তলোচন, হে নির্ঝাক্,
 শুষ্ক পথের দানব দম্ভ্য,
 শুবে নিতে চাও হাসি ও অশ্রু,
 ইজিতে দাও দারুণ ডাক ॥

গান

হৃদয় আমার, ঐ বুঝি তোর বৈশাখী ঝড় আসে,
 বেড়া-ভাঙার মাতন নামে উদ্দাম উল্লাসে ।
 মোহন এলো ভীষণ বেশে
 আকাশ-ঢাকা জটিল কেশে,
 এলো তোমার সাধন-খন চরম সর্ব্বনাশে ॥
 বাতাসে তোর সুর ছিল না, ছিল তাপে ভরা ।
 পিপাসাতে বুক-ফাটা তোর শুষ্ক কঠিন ধরা ।
 জাগ্বে হতাশ, আয়রে ছুটে'
 অবসাদের বাঁধন টুটে',
 এলো তোমার পথের সাথী বিপুল অট্টহাসে ॥

কাল বৈশাখী

ডাকো বৈশাখ, কাল-বৈশাখী,
করো তা'রে লীলা-সঙ্গিনী,—
কেন সন্ন্যাসী র'য়েছো একাকী
আমুক্ প্রলয়-রঙ্গিনী ।

হৃত-নিঃশ্বাস অম্বর তলে
রুদ্ধ বাতাস তাপ-শৃঙ্খলে,
ঘন ঝঞ্ঝার দিক্ ঝঙ্কার
অস্তুর তব চঞ্চলি',
মস্থি' আমুক্ মর্ত্যস্বর্গ
তোমার অর্ঘ্য অঞ্জলি ॥

বাজায় ডমরু তব তাণ্ডবে
গুরু গুরু মেঘ-মন্দিয়া,—
দিগ্ধ যত হাহাকার রবে
হৃদ্যাম উঠে ক্রন্দিয়া ।
গৈরিক তব জয় পতাকায়
সন্ধ্যা-রবির রং সে মাথায়,
কুঞ্জে বাজায় শাখায় শাখায়
তাল তমালের খঞ্জনী ।
সপ্ততারার লুপ্তির 'পরে
নাচে সে সুপ্তি-ভঞ্জনী ॥

তপোভঙ্গের দিবে মন্ত্রণা
 তব শাস্তিরে তজ্জিয়া,
 তন্ত্র পরাবে রুদ্রবীণায়
 রেখেছিলে যারে বর্জিয়া ।

দিগন্তরের সঞ্চয় টুটি'
 অঞ্চলে মেঘ আনিবে সে লুটি'—
 বাজিয়া উঠিবে কল-কল্লোল
 বন-পল্লবে পল্লবে,—
 শ্যাম উত্তরী নিশ্চল করি'
 সাজাবে আপন বল্লভে ॥

মাধুরীর ধান

গান

মধ্যদিনে যবে গান
বন্ধ করে পাখী,
হে রাখাল, বেণু তব
বাজাও একাকী ।

শান্ত প্রান্তরের কোণে
রুদ্ধ বসি' তাই শোনে,
!মাধুরের ধ্যানাবেশে
স্বপ্নমগ্ন আঁখি ;
হে রাখাল, বেণু যবে
বাজাও একাকী ॥

সহসা উচ্ছ্বসি' উঠে
ভরিয়া আকাশ
তৃষাতপ্ত বিরহের
নিরুদ্ধ নিঃশ্বাস ।

অশ্রুর প্রান্তের দূরে
ডম্বরু গভীর সুরে

জাগায় বিদ্যুৎ ছন্দে
 আসন্ন বৈশাখী ।
 হে বাখাল, বেণু তব
 বাজাও একাকী ॥

পরাণে কার ধেয়ান আছে জাগি,
 জানি হে জানি, কঠোর বৈরাগী ।
 সুদূর পথে চরণ ছুটি বাজে
 পূরব কূলে বকুলবীথি মাঝে,
 লুটায়-পড়া অমল-নীল সাজে
 নব কেতকী-কেশর আছে লাগি' ।
 তাহারি ধ্যান পরাণে তব জাগি' ॥

রাখাল বেণু বাজায় তরুতলে
 রাগিণী তা'র তাহারি কথা বলে ।
 ভূতলে খসি' পড়িছে পাতাগুলি
 চলিতে পাছে চরণে লাগে ধূলি,—
 কৃষ্ণচূড়া র'য়েছে খেলা ভুলি'
 পথে তাহারে ছায়া দিবারি লাগি ।
 তাহারি ধ্যান পরাণে আছে জাগি' ।

কাঁকন-ধ্বনি তপোবনের পারে
 চপল বায়ে আসিছে বারে বারে,
 কপোত ছুটি তাহারি সাড়া পেয়ে

চাঁপার ডালে উঠিছে গেয়ে গেয়ে,
 মরমে তব মৌনী আছে চেয়ে
 আপন মাঝে তাহারি বাণী মাগি' ।
 তাহারি ধ্যান পরাণে আছে জাগি' ॥

কঠোর, তুমি মাধুরী-সাধনাতে
 মগন হ'য়ে র'য়েছো দিনে রাতে ।
 নীরস কাঠে আগুন তুমি জ্বালো,
 অঁধার যাহা করিবে তা'রে আলো,
 অশুচি যাহা, যা-কিছু আছে কালো
 দহিবে তা'রে, স্নদূরে যাবে ভাগি',—
 মাধুরী-ধ্যান পরাণে তব জাগি' ॥

বাঞ্ছনা

শুনিতে কি পাস্

এই যে শ্বসিছে রুদ্র শূন্যে শূন্যে সন্তপ্ত নিঃশ্বাস
এরি মাঝে দূরে বাজে চঞ্চলের চকিত খঞ্জনী,
মাধুরীর মঞ্জীরের মুহুমন্দ গুঞ্জরিত ধ্বনি ?
রৌদ্র-দক্ষ তপস্কার মৌনস্তব্ধ অলক্ষ্য আড়ালে

স্বপ্নে-রচা অর্চনার থালে

অর্ঘ্য-মালা সাজ হয় সঙ্গোপনে সুন্দরের লাগি ।

মগ্ন যেথা ধেয়ানের সর্বশূন্য গহনে বৈরাগী,
সেথা কে বুভুক্ষু আসে ভিক্ষা-অন্বেষণে ;
জীর্ণ পর্ণ-শয্যাপরে একা রহে জাগি'
কঠিনের শুষ্ক প্রাণে কোমলের পদস্পর্শ মাগি' ॥

তাপিত আকাশে

হঠাৎ নীরবে চ'লে আসে

একটি করুণ ক্ষীণ স্নিগ্ধ বায়ুধারা,
কে অভিসারিণী যেন পথে এসে পায় না কিনারা ।

অকস্মাৎ কোমলের কমলমালার স্পর্শ লেগে

শাস্তের চিন্তের প্রাপ্ত অহেতু উদ্বেগে

অকুটিয়া ওঠে কালো মেঘে ;

বিদ্যুৎ বিচ্ছুরি' উঠে দিগন্তের ভালে,

রোমাঞ্চ-কম্পন লাগে অশ্বথের ত্রস্ত ডালে ডালে ;

মূহূর্ত্তে অম্বর-বক্ষে উলঙ্গিনী শ্যামা
 বাজায় বৈশাখী-সন্ধ্যা-ঝঞ্ঝার দামামা,
 দিখিদিকে নৃত্য করে ছুঁবার ক্রন্দন,
 ছিন্ন ছিন্ন হ'য়ে যায় ঔদাসীয়া কঠোর বন্ধন ॥

বর্ষার প্রবেশ

নমো, নমো করুণাঘন নম হে ।
 নয়ন স্নিগ্ধ অমৃতাজন পরশে,
 জীবন পূর্ণ সুধারস বরষে,
 তব দর্শন-ধন-সার্থক মন হে,
 অকৃপণবর্ষণ করুণাঘন হে ॥

প্রত্যাশা

গান

তাপের তাপের বাঁধন কাটুক
রসের বর্ষণে,
হৃদয় আমার, শ্যামল-বঁধুর
করণ স্পর্শ নে ॥

ঐ কি এলে আকাশ-পারে
দিক-ললনার প্রিয়,
চিত্তে আমার লাগলো তোমার
ছায়ার উত্তরীয় ।

অঝোর-ঝরণ শ্রাবণ জলে,
তিমির-মেঘুর বনাঞ্চলে
ফুটুক সোনার কদম্ব ফুল
নিবিড় হর্ষণে ॥

মেঘের মাঝে মৃদু তোমার
বাজিয়ে দিলে কিও
ঐ তালেতেই মাতিয়ে আমায়
নাচিয়ে দিয়ে। দিয়ে ।

ভরুক্ গগন, ভরুক্ কানন
ভরুক্ নিখিল ধরা,
দেখুক্ ভুবন মিলন-স্বপন
মধুর বেদনা-ভরা ।

পরান-ভরানো ঘন ছায়াজাল
বাহির আকাশে করুক্ আড়াল,
নয়ন তুলুক্ বিজুলি ঝলুক্
পরম দর্শনে ॥

আষাঢ়

কোন্ বারতাব করিল প্রচার
দূর আকাশের ইঙ্গিতে
ঐরাবতের বৃংহিতে।
<নিষ্ঠুর তপে আছে নিমগ্ন
ধরণী তপস্বিনী,
রুদ্ধ অঙ্গ পাংশু-ধূসর,
ধ্যান-অঙ্গন শুষ্ক উষর,
নাহি সখী সঙ্গিনী ;—
বুঝি আসন্ন হ'লো তা'র বর,
শুনি গর্জ্জন রথ-ঘর্ঘর,
বুঝি আসে কাঙ্ক্ষিত,
তাই চিন্ত-যে হ'লো চঞ্চল,
অঁখি-পল্লব বাষ্প-সজল,
তাই সে রোমাঞ্চিত।>
ওগো বিরহিণী গেল দুর্দিন
দুঃখ ঘুচিবে নিঃশেষে,
মনোমাবে যারে রুদ্ধ নয়নে
পূজিলে ধ্যানের পুষ্প চয়নে,
দেখা দিবে আজি বিশ্বে সে !
ঐ বুঝি আসে আকাশে আকাশে
সমারোহ তা'র বিস্তারি',

বিজয়ী সে বীর, ওরে ভয়ভীতা
 যাবে তোর ভয়, ওরে পিপাসিতা
 তৃষা হ'তে দিবে নিস্তারি' ।
 ললাটে নিপুণ পত্রলেখাটি
 অঁকো কুঙ্কুম চন্দনে ।
 ছলাও চামেলি অলকে তোমার
 কবরী রচিয়া এলো-কেশভার
 বেঁধে তোলো বেণী-বন্ধনে ॥

উঠ ধূলি হ'তে ওগো ছঃখিনী
 ছাড়ো গৈরিক উত্তরী ।
 নীলবসনের অঞ্চলখানি
 কম্পিত বুক লহ লহ টানি'
 হাসিমুখে চাহ সুন্দরী ।
 বীর-মঙ্গল ঘোষুক মন্দ্র
 মুখে তুলে তোর শঙ্খ নে ।
 কৌতুক সুখ চক্ষে ফুটুক,
 বিছাৎ-শিখা কম্পি' উঠুক
 তব চঞ্চল কঙ্কণে ॥

কুঞ্জকানন জাগ্রত হোক
 আজি বন্দনা সঙ্গীতে—
 শিহর লাগুক শাখায় শাখায়,
 মাতন লাগুক শিখীর পাখায়
 তব নৃত্যের ভঙ্গীতে ।

শ্যাম বন্ধুরে শ্যামল ত্বণের
 আসনে বসাবি অঙ্গনে ।
 রাখিবি ছুয়ারে আল্পনা অঁকি',
 চরণের তলে ধূলা দিবি ঢাকি',
 টগর করবী রঙ্গনে ।

গাও জয় জয়, গাও জয়গান
 ঢেউ তোলো স্বরসপ্তকে,
 বনপথে আসে মনোরঞ্জন,
 নয়নে পরাবে প্রেম-অঞ্জন,
 সুধা দিবে চিরতপ্তকে ।

লীলা

গান

গগনে গগনে আপনার মনে
কী খেলা তব ।
তুমি কত বেশে নিমেষে নিমেষে
নিতুই নব ॥

জটার গভীরে লুকালে রবিরে
ছায়াপটে আঁকো এ কোন্ ছবিরে !
মেঘমল্লারে কী বলো আমারে
কেমনে কবো ॥

বৈশাখী ঝড়ে সেদিনের সেই
অটহাসি
গুরু গুরু সুরে কোন্ দূরে দূরে
যায়-যে ভাসি' ।

সে সোনার আলো শ্যামলে মিশালো,
স্বেত উত্তরী আজ কেন কালো ?
লুকালে ছায়ায় মেঘের মায়ায়
কী বৈভব ॥

বর্ষা-মঙ্গল

ওগো সন্ন্যাসী, কী গান ঘনালো মনে !

গুরু গুরু গুরু নাচের ডমরু

বাজিল ক্ষণে ক্ষণে ॥

তোমার ললাটে জটিল জটীর ভার

নেমে নেমে আজি পড়িছে বারম্বার,

বাদল আঁধার মাতালো তোমার হিয়া,

বাঁকা বিদ্যুৎ চোখে উঠে চমকিয়া ।

চির-জনমের শ্যামলী তোমার প্রিয়া

আজি এ বিরহ-দীপন-দীপিকা

পাঠালো তোমারে এ কোন্ লিপিকা,

লিখিল নিখিল-অঁখির কাজল দিয়া,

চির-জনমের শ্যামলী তোমার প্রিয়া ॥

মনে পড়িল কি ঘন কালো এলোচুলে

অগুরু ধূপের গন্ধ ?

শিখি-পুচ্ছের পাখা সাথে ছলে' ছলে'

কাঁকন-দোলন ছন্দ ?

মনে পড়িল কি নীল নদীজলে
ঘন আবণের ছায়া ছলছলে,
মিলি মিলি সেই জল-কলকলে
কলালাপ মুহুমন্দ ;

স্থকিত-পায়ের চলা দ্বিধাহত,
ভীকু নয়নের পল্লব নত,
না-বলা কথার আভাসের মতো
নীলাশ্বরের প্রাস্ত ?

মনে পড়িছে কি কাঁখে তুলে' ঝারি'
তরু তলে তলে ঢেলে চলে বারি,
সেচন-শিথিল বাহু ছুটি তারি
ব্যথায় আলসে ক্লান্ত ?

ওগো সন্ন্যাসী, পথ যায় ভাসি'
ঝর ঝর ধারাজলে—
তমাল বনের শ্যামল তিমির তলে ।
ছ্যলোক ভুলোকে দূরে দূরে বলাবলি
চির-বিরহের কথা,
বিরহিণী তা'র নত অঁখি ছলছলি'
নীপ-অঞ্জলি রচে বসি' গৃহকোণে,
ঢেলে ঢেলে দেয় তোমারে স্মরিয়া মনে,
ঢেলে দেয় ব্যাকুলতা ।

বন-বাগী

কভু বাতায়নে অকারণে বেলা বাহি’

আতুর নয়নে ছু-হাতে অঁচল কাঁপে ।

তুমি চিত্তের অন্তরে অবগাহি’

খুঁজিয়া দেখিছ ধৈরজ নাহি নাহি,

মল্লার রাগে গর্জিয়া ওঠো গাহি’,

বক্ষে তোমার অক্ষের মালা কাঁপে ।

যাক্ যাক্ তব মন গ’লে গ’লে যাক্,

গান ভেসে গিয়ে দূরে চ’লে চ’লে যাক্,

বেদনার ধারা দুর্দাম দিশাহারা

ছুখ-ছুদ্দিনে ছুই কূল তা’র ছাপে ।

কদম্ববন চঞ্চল ওঠে তুলি’,

সেই মতো তব কম্পিত বাহু তুলি’

টলমল নাচে নাচো সংসার ভুলি’,

আজ, সন্ন্যাসী, কাজ নাই জপে জাপে ॥

শ্রাবণ-বিদায়

গান

শ্রাবণ তুমি বাতাসে কা'র

আভাস পেলে ?

পথে তারি সকল বারি

দিলে ঢেলে ।

কেয়া কাঁদে, যায় যায় যায় ।

কদম ঝরে, হায় হায় হায় ।

পূব হাওয়া কয় “ওর তো সময় নাই বাকি আর”,

শরৎ বলে, “যাক্ না সময় ভয় কিবা তা'র,—

কাটবে বেলা আকাশমাঝে বিনা কাজে

অসময়ের খেলা খেলে” ॥

কালো মেঘের আর কি আছে দিন

ও-যে হ'লো সাথীহীন ।

পূব হাওয়া কয়, কালোর এবার যাওয়াই ভালো,

শরৎ বলে, গেঁথে দেবো কালোয় আলো,

সাজ্বে বাদল আকাশ মাঝে

সোনার সাজে

কালিমা ওর মুছে ফেলে ॥

যায়রে শ্রাবণ-কবি রস-বর্ষা ক্ষান্ত করি' তা'র,
 কদম্বের রেণুপুঞ্জ পদে পদে কুঞ্জবীথিকার
 ছায়াঞ্চল ভরি' দিল। জানি, রেখে গেল তা'র দান
 বনের মর্শ্বের মাঝে ; দিয়ে গেল অভিষেকস্নান
 সুপ্রসন্ন আলোকে ; মহেন্দ্রের অদৃশ্য বেদীতে
 ভরি' গেল অর্ঘ্যপাত্র বেদনার উৎসর্গ-অমৃতে ;
 সলিল-গণ্ডুষ দিতে তটিনী সাগর-তীরে চলে,
 অঞ্জলি ভরিল তারি ; ধরার নিগূঢ় বক্ষতলে
 রেখে গেল তৃষ্ণার সম্বল ; অগ্নিতীক্ষ্ণ বজ্রবাণ
 দিগন্তের তূণ ভরি' একান্তে করিয়া গেল দান
 কাল-বৈশাখীর তরে ; নিজ হস্তে সর্ব ম্লানতার
 চিহ্ন মুছে দিয়ে গেল। আজ শুধু রহিল তাহার
 রিক্তবৃষ্টি জ্যোতিঃশুভ্র মেঘে মেঘে মুক্তির লিখন,
 আপন পূর্ণতাখানি নিখিলে করিল সমর্পণ ॥

শেষ মিনতি

গান

কেন পাশ্বে এ চঞ্চলতা ?

কোন্ শূন্য হ'তে এলো কার বারতা ।

যাত্রা বেলায় রুদ্ধ রবে

বন্ধন-ডোর ছিন্ন হবে,

ছিন্ন হবে, ছিন্ন হবে ।

নয়ন কিসের প্রতীক্ষা-রত

বিদায় বিষাদে উদাস মতো,

ঘন-কুন্তলভার ললাটে নত

ক্লান্ত তড়িৎবধু তন্দ্রাগতা ॥

মুক্ত আমি, রুদ্ধ দ্বারে

বন্দী করে কে আমারে ।

যাই চ'লে যাই অন্ধকারে

ঘণ্টা বাজায় সঙ্ক্যা যবে ।

কেশর-কীর্ণ কদম্ব বনে

মর্ম্মর মুখরিল মৃচ্ছ-পবনে,

বর্ষণ-হর্ষভরা ধরণীর

বিরহ-বিশঙ্কিত করুণ কথা ।

দৈর্ঘ্য মানো ওগো দৈর্ঘ্য মানো,

বর-মাল্য গলে তব হয়নি স্নান,

আজো হয়নি স্নান,

ফুল-গন্ধ-নিবেদন-বেদন সুন্দর
মালতী তব চরণে প্রণতা ॥

প্রাবণ সে যায় চ'লে পান্থ,
কুশতনু ক্রান্ত,
উড়ে পড়ে উত্তরী-প্রান্ত
উত্তর পবনে ।
যুথীগুলি সক্রুণ গন্ধে
আজি তা'রে বন্দে,
নীপ-বন মর্ম্মর ছন্দে
জাগে তা'র স্তবনে ।
শ্যামঘন তমালের কুঞ্জে
পল্লব পুঞ্জে
আজি শেষ মল্লারে গুঞ্জে
বিচ্ছেদ গীতিকা,
আজি মেঘ বর্ষণ-রিক্ত
নিঃশেষ বিত্ত,
দিল করি' শেষ অভিষিক্ত
কিংকর বীথিকা ।>

শরৎ

ধ্বনিল গগনে আকাশ-বাণীর বীণ,
শিশির-বাতাসে দূরে দূরে ডাক দিল কে ?
আয় সুলগনে, আজ পথিকের দিন,
এঁকে নে ললাট জয়-যাত্রার তিলকে ।

গেল খুলি গেল মেঘের ছায়ার দ্বার,
দিকে দিকে ঘোচে কালো আবরণ-ভার,
তরুণ আলোক মুকুট প'রেছে তা'র,
বিজয়-শঙ্খ বেজে ওঠে তাই ত্রিলোকে ॥

শরৎ এনেছে অপরূপ রূপ-কথা ।
নিত্যকালের বালক-বীরের মানসে ।
নবীন রক্তে জাগায় চঞ্চলতা,
বলে, “চলো চলো, অশ্ব তোমার আনো” সে ।

ধেয়ে যেতে হবে ছুস্তর প্রান্তরে,
বন্দিণী কোন্ রাজকন্ঠার তরে,
মায়াজাল ভেদি' চলো সে রুদ্ধ ঘরে,
লও কার্মুক, দানবের বুক হানো' সে ॥”

ওরে শারদার জয়মন্তের গুণে
বীর-গৌরবে পার হ'তে হবে সাগরে ।

ইন্দ্রের শর ভরি' নিতে হবে তুণে
রাক্ষসপুরী জিনে নিতে হবে, জাগো রে।

“দেবী শারদার যে-প্রসাদ শিরে লয়ি’
দেব-সেনাপতি কুমার দৈত্য-জয়ী,
সে-প্রসাদ খানি দাওগো অমৃতময়ী”,
এই মহা-বর চরণে তাঁহার মাগো রে ॥

আজি আশ্বিনে স্বচ্ছ বিমল প্রাতে
শুভ্রের পায়ে অম্লান মনে নম’ রে।
স্বর্গের রাখী বাঁধো দক্ষিণ হাতে
অঁধারের সাথে আলোকের মহাসমরে।

মেঘ-বিমুক্ত শরতের নীলাকাশ
ভুবনে ভুবনে ঘোষিল এ আশ্বাস :—
“হবে বিলুপ্ত মলিনের নাগপাশ,
জয়ী হবে রবি, মরিবে মরিবে তম রে ॥”

শান্তি

গান

পাগল আজি আগল খোলে
বিদায় রজনীতে,
চরণে ওর বাঁধিবি ডোর,
কী আশা তোর চিতে ?

গগনে তা'র মেঘ-ছুয়ার ঝেঁপে,
বুকেরি ধন বুকেতে ছিল চেপে,
হিম হাওয়ায় গেল সে দ্বার কেঁপে,
এসেছে ডাক ভোরের রাগিণীতে ॥

শীতল হোক্ বিমল হোক্ প্রাণ,
হৃদয়ে শোক রাখুক তা'র দান ।

যা ছিল ঘিরে শূণ্যে সে মিলালো,
সে-ফাঁক দিয়ে আশুক্ তবে আলো,
বিজনে বসি' পূজাঞ্জলি ঢালো
শিশিরে-ভরা শিউলি-ঝরা গীতে ॥

শরৎের প্রবেশ

নির্মল কান্ত, নমো হে নমঃ
স্নিগ্ধ সুশাস্ত্র নমো হে নমঃ ।
বন অঙ্গনময় রবিকর-রেখা
লেপিল আলিম্পনলিপি-লেখা,
আঁকিব তাহে প্রগতি মম ।
নমোহে নমঃ ।

শরৎ ডাকে ঘর-ছাড়ানো ডাকা
কাজ-ভোলানো সুরে,—
চপল করে হাঁসের ছুটি পাখা
ওড়ায় তা'রে দূরে ।
শিউলি কুঁড়ি যেমনি ফোটে শাখে
অম্নি তা'রে হঠাৎ ফিরে ডাকে,
পথের বাণী পাগল করে তাকে,
ধূলায় পড়ে ঝুরে ।
শরৎ ডাকে ঘর-ছাড়ানো ডাকা
কাজ-খোওয়ানো সুরে ॥

শরৎ আজি বাজায় এ কী ছলে
পথ-ভোলানো বাঁশী ।

অলস মেঘ যায়-যে দলে দলে
 গগনতলে ভাসি' ।
 নদীর ধারা অধীর হ'য়ে চলে
 কী নেশা আজি লাগালো তা'র জলে,
 ধানের বনে বাতাস কী-যে বলে
 বেড়ায় ঘুরে ঘুরে ।
 শবৎ ডাকে ঘর-ছাড়ানো ডাকা,
 কাজ-খোওয়ানো সুরে ॥

শবৎ আজি শুভ্র আলোকেতে
 মস্ত্র দিল পড়ি',
 ভুবন তাই শুনিল কান পেতে
 বাজে ছুটির ঘড়ি ।
 কাশের বনে হাসির লহরীতে
 বাজিল ছুটি মর্ম্মরিত গীতে,—
 ছুটির ধ্বনি আনিল মোর চিতে
 পথিক বন্ধুরে ।
 শবৎ ডাকে ঘর-ছাড়ানো ডাকা
 কাজ-খোওয়ানো সুরে ॥

শরতের ধান

গান

আলোর অমল কমলখানি
কে ফুটালে,
নীল আকাশের ঘুম ছুটালে ॥

সেই তো তোমার পথের বঁধু
সেই তো ।
দূর কুসুমের গন্ধ এনে খোঁজায় মধু—
এই তো ।

আমার মনের ভাবনাগুলি
বাহির হ'লো পাখা তুলি',
ঐ কমলের পথে তাদের
সেই জুটালে ॥

সেই তো তোমার পথের বঁধু
সেই তো ।
এই আলো তা'র এই তো আঁধার
এই আছে এই নেইতো ।

শরৎবাণীর বীণা বাজে
কমলদলে ।
ললিত রাগের সুর ঝরে তাই
শিউলি তলে ।
তাইতো বাতাস বেড়ায় মেতে
কচি ধানের সবুজ ক্ষেতে,
বনের প্রাণে মরুমরানির
চেউ উঠালে ॥

শরতের বিদায়

১

কেন গো যাবার বেলা
গোপনে চরণ ফেলা,
যাওয়ার ছায়াটি পড়ে-যে হৃদয় মাঝে,
অজানা ব্যথার তপ্ত আভাস রক্ত আকাশে বাজে।
সুদূর বিরহতাপে
বাতাসে কী যেন কাঁপে,
পাখীর কণ্ঠ করুণ ক্লাস্তি ভরা,
হারাই হারাই মনে করে তাই সংশয়-ম্লান ধরা।
জানিনে গহন বনে
শিউলি কী ধ্বনি শোনে,
আনমনে তা'র ভূষণ খসায় ফেলে।
মালতী আপন সব ঢেলে দেয় শেষ খেলা তা'র খেলে।
না হ'তে প্রহর শেষ
হবে কি নিরুদ্দেশ,
তোমার নয়নে এখনো র'য়েছে হাসি,
বাজায় মোহিনী এখনো মোহিনী বাঁশি ওঠে উচ্ছ্বাসি'।
এই তব আসা-যাওয়া
একি খেয়ালের হাওয়া,
মিলন পুলক তাতেও কি অবহেলা,
আজি এ বিরহ-ব্যথার বিষাদ এও কেবলি খেলা ?

২

গান

শিউলি ফুল, শিউলি ফুল,
 কেমন ভুল, এমন ভুল ?
 রাতের বায় কোন্ মায়ায়
 আনিল হায় বন-ছায়ায়,
 ভোর বেলায় বারে বারেই
 ফিরিবারেই হ'লি ব্যাকুল ।

কেন রে তুই উন্মনা,
 নয়নে তোর হিমকণা ?
 কোন্ ভাষায় চাস্ বিদায়,
 গন্ধ তোর কী জানায়,
 সঙ্গে হায় পলে পলেই
 দলে দলেই যায় বকুল ॥

বিলাপ

গান

চরণরেখা তব যে-পথে দিলে লেখি'
চিহ্ন আজি তারি আপনি ঘুচালে কি ?
ছিল তো শেফালিকা
তোমারি লিপি-লিখা
তা'রে-যে তৃণতলে আজিকে লীন দেখি ?
কাশের শিখা যত কাঁপিছে থরথরি,
মলিন মালতী-যে পড়িছে ঝরি' ঝরি' ।
তোমার যে-আলোকে
অমৃত দিত চোখে,
স্মরণ তারো কি গো মরণে যাবে ঠেকি' ?

হেমন্তের প্রবেশ

নম, নম, নম ।
তুমি ক্ষুধার্তজন-শরণ্য,
অমৃত-অন্ন-ভোগ-ধন্য
করে। অন্তর মম ।

হেমন্তেরে বিভল করে কিসে,
চলিতে পথে হারালো কেন দিশে !
যেন রে ওর আলোর স্মৃতিখানি
বিস্মৃতির বাষ্পে নিল টানি,—
কণ্ঠ তাই হারালো তা'র বাণী,
অশ্রু কাঁপে নয়ন অনিমেঘে ।
হেমন্তেরে বিভল করে কিসে !

ক্ষণেক তরে লও না ঘরে ডাকি',
যাত্রা ওর অনেক আছে বাকি ।
শিশিরকণা লাগিবে পায়ে পায়ে,
রুম্ম কেশ কাঁপিবে হিমবায়ে,
অঁধার-করা ঘনবনের ছায়ে
শুষ্ক পাতা র'য়েছে পথ ঢাকি' ।
ক্ষণেক তরে লও না ঘরে ডাকি' ।

বাসা-যে ওর সুদূর হিমাচলে,
 শ্রাওলা-ঝোলা তিমির গুহাতলে ।
 যে-পথ বাহি' বলাকা যায় ফিরে
 সৈকতিনী নদীর তীরে তীরে,
 সে-পথ দিয়ে ধানের ক্ষেত ঘিরে
 হিমের ভারে চলিবে পলে পলে ।
 যেতে-যে হবে সুদূর হিমাচলে ॥

চলিতে পথে এলো অঁধার রাত্তি,
 নিবিয়া গেল ছিল যে ওর বাত্টি ।
 অস্মর দলে গগনে রচে কারা,
 তাইতো শশী হ'য়েছে জ্যোতিহারা,
 আকাশ ঘেরি ধরিবে যত তারা
 কে যেন জেলে কুহেলি জাল পাতি' ।
 নিবিয়া গেল ছিল যে ওর বাত্টি ॥

বধূরা যবে সঁজের জ্যোতি জ্বালো
 একটি দীপ উহারে দেওয়া ভালো ।
 দেবতা যারে বিশ্ব দিয়ে হানে
 তোমরা তা'রে বাঁচায়ো দয়া দানে,
 কল্যাণী গো তোদেরি কল্যাণে
 ছুটিয়া যাক্ কুস্বপন কালো,—
 একটি দীপ উহারে দেওয়া ভালো ॥

গান

শিউলি-ফোটা ফুরালো যেই শীতের বনে,

এলে-যে সেই শূন্যখণে ॥

তাই গোপনে সাজিয়ে ডালা

ছুখের সুরে বরণমালা

গাঁথি মনে মনে

শূন্য খণে ॥

দিনের কোলাহলে

ঢাকা সে-যে রইবে হৃদয়তলে ।

রাতের তারা উঠবে যবে

সুরের মালা বদল হবে

তখন তোমার সনে

মনে মনে ॥

হায় হেমন্তলক্ষ্মী, তোমার নয়ন কেন ঢাকা—

হিমের ঘন ঘোমটাখানি ধূল রঙে আঁকা ।

সন্ধ্যাপ্রদীপ তোমার হাতে

মলিন হেরি কুয়াষাতে,

কণ্ঠে তোমার বাণী যেন করুণ বাষ্প মাখা ॥

ধরার আঁচল ভ'রে দিলে প্রচুর সোনার ধানে ।

দিগঙ্গনার অঙ্গন আজ পূর্ণ তোমার দানে ।

আপন দানের আড়ালেতে

রইলে কেন আসন পেতে,

আপনাকে এই কেমন তোমার গোপন ক'রে রাখা ॥

হেমন্ত

১

হে হেমন্ত-লক্ষ্মী, তব চক্ষু কেন রুদ্ধ চুলে ঢাকা,
ললাটের চন্দ্রলেখা অযত্নে এমন কেন ম্লান ?
হাতে তব সন্ধ্যাদীপ কেন গো আড়াল ক'রে আনো
কুয়াশায় ? কণ্ঠে বাণী কেন হেন অশ্রুবাষ্পে মাখা
গোধূলিতে আলোতে অঁধারে ? দূর হিমশৃঙ্গ ছাড়ি'
ওই হের রাজহংসশ্রেণী, আকাশে দিয়েছে পাড়ি
উজায়ে উত্তর বায়ুস্রোত, শীতে ক্লিষ্ট ক্লান্ত পাখা
মাগিছে আতিথ্য তব জাহ্নবীর জনশূন্য তটে
প্রচ্ছন্ন কাশের বনে । প্রান্তর-সীমায় ছায়াবটে
মৌনব্রত বউ-কথা-কও । গ্রাম-পথ অঁাকা বাঁকা
বেণুতলে পান্থহীন অবলীন অকারণ ত্রাসে,
কচিৎ চকিত-ধূলি অকস্মাৎ পবন-উচ্ছ্বাসে ।

কেন বলো, হৈমন্তিকা, নিজেরে কুণ্ঠিত ক'রে রাখা,
মুখের গুণ্ঠন কেন হিমের ধুমলবর্ণে অঁাকা ॥

২

ভ'রেছো, হেমন্ত-লক্ষ্মী, ধরার অঞ্জলি পকখানে ।
দিগঙ্গনে দিগঙ্গনা এসেছিলো ভিক্ষার সন্ধানে
শীত-রিক্ত অরণ্যের শূন্যপথে । ব'লেছিলো ডাকি',
“কোথায় গো, অন্নপূর্ণা, ক্ষুধার্ভেয়ে অন্ন দিবে না কি ?

শাস্ত করো প্রাণের ফ্রন্দন, চাও প্রসন্ন নয়ানে
ধরার ভাণ্ডার পানে।” শুনিয়া, লুকায়ে হাস্তখানি,
লুকায়ে দক্ষিণ হস্ত দক্ষিণা দিয়েছো তুমি আনি’,
ভূমিগর্ভে আপনার দাক্ষিণ্য ঢাকিলে সাবধানে।

স্বর্গলোক ম্লান করি’ প্রকাশিলে ধরার বৈভব
কোন্ মায়ামন্ত্রণে, দরিদ্রের বাড়ালে গৌরব।

অমরার স্বর্ণ নামে ধরণীর সোনার অজ্ঞানে।
তোমার অমৃত নৃত্য, তোমার অমৃতস্নিগ্ধ হাসি
কখন ধূলির ঘরে সঞ্চিত করিলে রাশি রাশি,
আপনার দৈন্ত্যচ্ছলে পূর্ণ হ’লে আপনার দানে ॥



দীপালি

গান

হিমের রাতে ঐ গগনের
দীপগুলিরে
হেমন্তিকা ক'রুলে গোপন
অঁচল ঘিরে ।

ঘরে ঘরে ডাক পাঠালো—
“দীপালিকায় জ্বালাও আলো,
জ্বালাও আলো, আপন আলো,
সাজাও আলোয় ধরিত্রীরে” ॥

শূন্য এখন ফুলের বাগান,
দোয়েল কোকিল গাহে না গান,
কাশ ঝ'রে যায় নদীর তীরে ।

যাক্ অবসাদ বিষাদ কালো,
দীপালিকায় জ্বালাও আলো,
জ্বালাও আলো, আপন আলো,
জুনাও আলোর জয়-বাণীরে ॥

দেব্‌তারা আজ আছে চেয়ে
জাগো ধরার ছেলে মেয়ে
আলোয় জাগাও যামিনীরে ।

এলো অঁধার, দিন ফুরালো,
দীপালিকায় জ্বালাও আলো,
জ্বালাও আলো, আপন আলো,
জয় করো এই তামসীরে ॥

শীতের উদ্বোধন

ডেকেছে। আজি, এসেছি সাজি, হে মোর লীলাগুরু,
শীতের রাতে তোমার সাথে কী খেলা হবে সুর !

ভাবিয়াছিছু খেলার দিন

গোধূলি-ছায়ে হ'লো বিলীন,

পরান মন হিমে মলিন

আড়াল তা'রে ঘেরি,—

এমন ক্ষণে কেন গগনে বাজিল তব ভেরী ?

উতর-বায় কারে জাগায়, কে বুঝে তা'র বাণী ?

অন্ধকারে কুঞ্জদ্বারে বেড়ায় কর হানি' ।

কাদিয়া কয় কানন-ভূমি,

—“কী আছে মোর, কী চাহে তুমি ?

শুষ্ক শাখা যাও-যে চুমি’

কাঁপাও থরথর,

জীর্ণপাতা বিদায়গাথা গাহিছে মরমর ।”—

বুঝেছি তব এ অভিনব ছলনাভরা খেলা,

তুলিছ ধ্বনি' কী আগমনী আজি যাবার বেলা !

যৌবনেরে তুষার-ডোরে

রাখিয়াছিলে অসাড় ক'রে ;—

বাহির হ'তে বাঁধিলে ওরে

কুয়াশা-ঘন জালে—

ভিতরে ওর ভাঙালে ঘোর নাচের তালে তালে ।

নৃত্যলীলা জড়ের শিলা করুক খানখান,
 মৃত্যু হ'তে অবাধ স্রোতে বহিয়া যাক প্রাণ ।
 নৃত্য তব ছন্দে তারি
 নিত্য ঢালে অমৃতবারি,
 শব্দ কহে হুহুকারি'
 বাঁধন সে তো মায়া,—
 যা-কিছু ভয়, যা-কিছু ক্ষয়, সে তো ছায়ার ছায়া ।

এসেছে শীত গাহিতে গীত বসন্তেরি জয়,—
 যুগের পরে যুগান্তরে মরণ করে লয় ।
 তাণ্ডবের ঘূর্ণিঝড়ে
 শীর্ণ যাহা ঝরিয়া পড়ে,
 প্রাণের জয়-তোরণ গড়ে
 আনন্দের তানে,
 বসন্তের যাত্রা চলে অনন্তের পানে ॥

বাঁধনে যারে বাঁধিতে নারে, বন্দী করি' তা'রে
 তোমার হাসি সমুচ্ছ্বাসি' উঠিছে বারে বারে ।
 অমর আলো হারাবে না-যে
 ঢাকিয়া তা'রে অঁধার মাঝে,
 নিশীথ-নাচে ডমরু বাজে
 অরুণছার খোলে—
 জাগে মুরতি, পুরানো জ্যোতি নব উষার কোলে ।

জাপুক্ মন, কাঁপুক্ বন, উড়ুক্ ঝরা পাতা,
উঠুক্ জয়, তোমারি জয়, তোমারি জয়গাথা ।

ঋতুর দল নাচিয়া চলে
ভরিয়া ডালি ফুলে ও ফলে,
মৃত্যু-লোল চরণতলে

মুক্তি পায় ধরা,—

ছন্দে মেতে যৌবনেতে রাঙিয়ে ওঠে জরা ॥

আসন্ন শীত

শীতের বনে কোন্‌ সে কঠিন
আসবে ব'লে
শিউলিগুলি ভয়ে মলিন
বনের কোলে ॥

আম্লকি ডাল সাজ্জলো কাঙাল,
খসিয়ে দিল পল্লব জাল,
কাশের হাসি হাওয়ায় ভাসি'
যায়-যে চ'লে ॥

সইবে না সে পাতায় ঘাসে
পাণ্ডুরতা,
তাই তো আপন রঙ ঘুচালো
ঝুম্‌কো লতা ।

উত্তর বায় জানায় শাসন,
পাত্‌লো তপের শুষ্ক আসন,
সাজ খসাবার এই লীলা কা'র
অটুরোলে ॥

শীত

ওগো শীত, ওগো শুভ্র, হে তীব্র নিশ্চয়,
তোমার উত্তর বায়ু ছরন্ত ছুঁদম
অরণ্যের বক্ষ হানে। বনস্পতি যত
থর থর কম্পমান, শীর্ণ করি' নত
আদেশ-নির্ঘোষ তব মানে। “জীর্ণতার
মোহবন্ধ ছিন্ন করো” এ বাক্য তোমার
ফিরিছে প্রচার করি' জয়ডঙ্কা তব
দিকে দিকে। কুঞ্জে কুঞ্জে মৃত্যুর বিপ্লব
করিছে বিকীর্ণ শীর্ণ পর্ণ রাশি রাশি
শূন্য নগ্ন করি' শাখা, নিঃশেষে বিনাশি'
অকাল-পুষ্পের হুঃসাহস।

হে নিশ্চয়,

সংশয়-উদ্ভিগ্ন-চিত্তে পূর্ণ করো বল ;
মৃত্যু-অঞ্জলিতে ভরো অমৃতের ধারা,
ভীষণের স্পর্শঘাতে করো শঙ্কাহারা,
শূন্য করি' দাও মন ; সর্বস্বান্ত ক্ষতি
অস্তুরে ধরুক শাস্ত উদাত্ত মুরতি,
হে বৈরাগী। অতীতের আবর্জনা-ভার,
সঞ্চিত লাঞ্ছনা গ্লানি শ্রান্তি ভ্রান্তি তা'র
সম্মার্জন করি' দাও। বসন্তের কবি
শূন্যতার শুভ্র পত্রে পূর্ণতার ছবি

লেখে আসি', সে-শূণ্য তোমারি আয়োজন,
 সেই মতো মোর চিত্তে পূর্ণের আসন
 মুক্ত করো রুদ্র-হস্তে, কুজ্বটিকা রাশি
 রাখুক পুঞ্জিত করি' প্রসন্নের হাসি।
 বাজুক তোমার শঙ্খ মোর বক্ষতলে
 নিঃশঙ্ক দুর্জয়। কঠোর উদগ্রবলে
 দুর্বলেরে করো তিরস্কার ; অট্টহাসে
 নিষ্ঠুর ভাগ্যেরে পরিহাসো ; হিমশ্বাসে
 আরাম করুক ধূলিসাৎ ! হে নির্মম,
 গর্বহরা, সর্বনাশা, নমো নমো নমঃ ॥

নৃত্য

গান

শীতের হাওয়ার লাগলো নাচন
আম্লকির এই ডালে ডালে ।
পাতাগুলি শির্শিরিয়ে
ঝরিয়ে দিল তালে তালে ॥

উড়িয়ে দেবার মাতন এসে
কাঙাল তা'রে ক'রলো শেষে,
তখন তাহার ফলের বাহার
রইলো না আর অন্তরালে ॥

শূন্য ক'রে ভ'রে-দেওয়া
যাহার খেলা
তারি লাগি রইলু ব'সে
সারা বেলা ।

শীতের পরশ থেকে থেকে
যায় বুঝি ঐ ডেকে ডেকে,
সব খোওয়াবার সময় আমার
হবে কখন কোন্ সকালে ॥

শীতের প্রবেশ

গান

নম, মম, নম নম !

নিদ্দয় অতি করুণা তোমার
বন্ধু তুমি হে নির্দম,
যা-কিছু জীর্ণ করিবে দীর্ণ
দণ্ড তোমার হৃদম ॥

সর্বনাশার নিঃশ্বাস বায়

লাগলো ভালে ।

নাচলো চরণ শীতের হাওয়ায়

মরণ তালে ।

ক'র্বো বরণ, আশুক কঠোর,

ঘুচুক, অলস স্তম্ভির ঘোর,

যাক্ ছিঁড়ে মোর বন্ধন ডোর

যাবার কালে ॥

ভয় যেন মোর হয় খান্ খান্

ভয়েরি ঘায়ে,

ভরে যেন প্রাণ ভেসে এসে দান

ক্ষতির বায়ে ।

সংশয়ে মন না যেন তুলাই,

মিছে শুচিতায় তা'রে না তুলাই,

নির্মল হবো পথের ধুলাই

লাগিলে পায়ে ॥ ১

শীত যদি তুমি মোরে দাও ডাক

দাঁড়ায়ে দ্বারে—

সেই নিমেষেই যাবো নির্বাক

অজানা পারে ।

নাই দিল আলো নিবে-যাওয়া বাতি,—

শুকনো গোলাপ ঝরা যুথী জাতী

নির্জন পথ হোক মোর সাথী

অন্ধকারে ॥

জানি জানি, শীত, আমার যে-গীত

বীণায় নাচে

তা'রে হরিবার কভু কি তোমার

সাধ্য আছে !

দক্ষিণ বায়ে ক'রে যাবো দান

রবি-রশ্মিতে কাঁপবে সে তান,

কুসুমে কুসুমে ফুটিবে সে গান

লতায় গাছে ॥

যাহা-কিছু মোর তুমি, ওগো চোর,

হরিয়া ল'বে,

জেনো বারেবারে ফিরে ফিরে তা'রে

ফিরাতে হবে ।

যা কিছু ধূলায় চাহিবে চুকাতে

ধূলা সে কিছুতে নারিবে লুকাতে,

নবীন করিয়া নবীনের হাতে

সঁপিবে কবে ॥

স্তব

গান

হে সন্ন্যাসী,

হিমগিরি ফেলে নীচে নেমে এলে
কিসের জন্ত ?

কুন্দমালতী করিছে মিনতি
হও প্রসন্ন ।

যাহা কিছু ম্লান বিরস জীর্ণ
দিকে দিকে দিলে করি' বিকীর্ণ,
বিচ্ছেদ-ভারে বনচ্ছায়ায়

করে বিষন্ন ;

হও প্রসন্ন ॥

সাজাবে কি ডালা গাঁথিবে কি মালা
মরণ-সত্রে ?

তাই উত্তরী নিলে ভরি' ভরি'

শুকানো পত্রে ?

ধরণী-যে তব তাণ্ডবে সাথী
প্রলয়-বেদনা নিল বৃকে পাতি',

রুদ্র এবারে বর-বেশে তা'রে

করো গো ধন্ত ;

হও প্রসন্ন ॥

শীতের বিদায়

তুঙ্গ তোমার ধবল-শৃঙ্গ-শিরে
উদাসীন শীত, যেতে চাও বুঝি ফিরে ?
চিন্তা কি নাই সাঁপিতে রাজ্যভার
নবীনের হাতে, চপল চিত্ত যার ?
হেলায় যে-জন ফেলায় সকল তা'র
অমিত দানের বেগে ?

দণ্ড তোমার তা'র হাতে বেণু হবে,
প্রতাপের দাপ মিলাবে গানের রবে,
শাসন ভুলিয়া মিলনের উৎসবে
জাগাবে, রহিবে জেগে ॥

সে-যে মুছে দিবে তোমার আঘাত চিহ্ন,
কঠোর বাঁধন করিবে ছিন্ন ছিন্ন ।

এতদিন তুমি বনের মজ্জামাঝে
বন্দী রেখেছো যৌবনে কোন্ কাজে,
ছাড়া পেয়ে আজ কত অপরূপ সাজে
বাহিরিবে ফুলে দলে ।

তব আসনের সম্মুখে যার বাণী
আবদ্ধ ছিল বহু কাল ভয় মানি'
কণ্ঠ তাহার বাতাসেরে দিবে হানি'
বিচিত্র কোলাহলে ॥

তোমার নিয়মে বিবর্ণ ছিল সজ্জা,
নগ্ন তরুর শাখা পেতো তাই লজ্জা।

তাহার আদেশে আজি নিখিলের বেশে
নীল পীত রাঙা নানা রঙ ফিরে এসে,
আকাশের অঁাখি ডুবাইবে রসাবেশে
জাগাইবে মত্ততা।

সম্পদ তুমি যার যত নিলে হরি'
তা'র বহু গুণ ও-যে দিতে চায় ভরি',
পল্লবে যার ক্ষতি ঘটেছিলো ঝরি',
ফুল পাবে সেই লতা ॥১

ক্ষয়ের হুঃখে দীক্ষা যাহারে দিলে,
সব দিকে যার বাহুল্য ঘুচাইলে,
প্রাচুর্য্যে তারি হ'লো আজি অধিকার।'
দক্ষিণ বায়ু এই বলে বার বার,
বাঁধন-সিদ্ধ যে-জন তাহারি দ্বার
খুলিবে সকলখানে।

কঠিন করিয়া রচিলে পাত্তখানি
রস-ভারে তাই হবে না তাহার হানি,
লুটি লও ধন, মনে মনে এই জানি'
দৈন্ত্য পূরিবে দানে ॥

বসন্তের প্রবেশ

নম নম নম নম
তুমি স্তম্ভরতম ।
দূর হইল দৈগ্ধ্যদ্বন্দ্ব,
ছিন্ন হইল দুঃখবন্ধ
উৎসবপতি মহানন্দ
তুমি স্তম্ভরতম ।

লুকানো রহে না বিপুল মহিমা
বিস্ত্র হ'য়েছে চূর্ণ,
আপনি রচিলে আপনার সীমা,
আপনি করিলে পূর্ণ ।
ভ'রেছে পূজার সাজি,
গান উঠিয়াছে বাজি',
নাগকেশরের গন্ধরেণুতে
উড়ে চন্দনচূর্ণ ।
এ কী লীলা, হে বসন্ত,
গ্লান আবরণ আড়ালে দেখালে
সব দৈত্যের অন্ত ।

অমানিত মাটি, দিবে তা'রে মান
এসেছো তাহারি জন্ত ;

পথে পথে দিলে পরশের দান
 ধূলিরে করিলে ধস্ম।
 যেথা আসো তুমি বীর
 জাগে তব মন্দির,
 বর্ণছটায় মাতে মহাকাশ
 স্তব করে মহারণ্য !
 এ কী লীলা, হে বসন্ত,
 অনেক ভুলায়ে নিমেষে সহসা
 দেখালে আপন পশু।

ছিন্ন পথ চেয়ে বহু দুখ স'য়ে,
 আজ দেখি এ কী দৃশ্য,
 শক্তি তোমার সুন্দর হ'য়ে
 জিনিল কঠিন বিশ্ব।
 তব পুষ্পিত তরু
 জয় করি' নিল মরু,
 মূক চিন্তের জাগাইলে গান,
 কবি হ'লো তব শিষ্য।
 এ কী লীলা, হে বসন্ত,
 যা ছিল শ্রীহীন দীপ্তি-বিহীন
 করিলে প্রজ্জ্বলন্ত !

আবাহন

গান

তোমার আসন পাত্বে কোথায়,
হে অতিথি ?
ছেয়ে গেছে শুকনো পাতায়
কানন-বীথি ।
ছিল ফুটে মালতী ফুল, কুন্দ কলি,
উত্তর বায় লুঠ্ ক'রে তায় গেল চলি',
হিমে বিবশ বনস্থলী
বিরল-গীতি,
হে অতিথি ॥
সুর-ভোলা ঐ ধরার বাঁশী
লুটায় ভুঁয়ে,
মর্মে তাহার তোমার হাসি
দাও না ছুঁয়ে ।
মাত্বে আকাশ নবীন রঙের তানে তানে,
পলাশ বকুল ব্যাকুল হবে আত্মদানে,
জাগ্বে বনের মুকুট মনে
মধুর স্মৃতি,
হে অতিথি ॥

বসন্ত

হে বসন্ত, হে সুন্দর, ধরণীর ধ্যান-ভরা ধন !

বৎসরের শেষে

শুধু একবার মর্ত্যে মূর্তি ধরো ভুবন-মোহন

নব বরবেশে ।

তারি লাগি' তপস্বিনী কী তপস্যা করে অল্পক্ষণ,
আপনারে তপ্ত করে, ধৌত করে, ছাড়ে আভরণ,
ত্যাগের সর্বস্ব দিয়ে ফল-অর্থ্য করে আহরণ
তোমার উদ্দেশে ॥

সূর্য প্রদক্ষিণ করি' ফিরে সে পূজার নৃত্য-তালে

ভক্ত উপাসিকা ।

নম্র ভালে অঁকে তা'র প্রতিদিন উদয়াস্তকালে

রক্তরশ্মি-টীকা ।

সমুদ্র-তরঙ্গে সদা মল্লস্বরে মন্ত্র পাঠ করে,

উচ্চারে নামের শ্লোক অরণ্যের উচ্ছ্বাসে মর্শ্বরে,

বিচ্ছেদের মরুশূন্যে স্বপ্নচ্ছবি দিকে দিগন্তরে

রচে মরীচিকা ॥

আবর্তিয়া ঋতুমালা করে জপ, করে আরাধন

দিন গুণে' গুণে' ।

সার্থক হ'লো-যে তা'র বিরহের বিচিত্র সাধন

মধুর ফাস্তনে ।

হেরিহ্ন উত্তরী তব, হে তরুণ, অরুণ আকাশে,
 গুনিহ্ন চরণধ্বনি দক্ষিণের বাতাসে বাতাসে,
 মিলন-মাঙ্গল্য-হোম প্রজ্জ্বলিত পলাশে পলাশে,
 রক্তিম আগুনে ॥

তাই আজি ধরিত্রীর যত কৰ্ম, যত প্রয়োজন
 হ'লো অবসান ।
 বৃক্ষ শাখা রিক্তভার, ফলে তা'র নিরাসক্ত মন,
 ক্ষেতে নাই ধান ।
 বকুলে বকুলে শুধু মধুকর উঠিছে গুঞ্জরি'
 অকারণ আন্দোলনে চঞ্চলিছে অশোক মঞ্জরী,
 কিশলয়ে কিশলয়ে নৃত্য উঠে দিবস শৰ্ব্বরী,
 বনে জাগে গান ॥

হে বসন্ত, হে সুন্দর, হায় হায়, তোমার করুণা
 ক্ষণকাল তরে ।
 মিলাইবে এ উৎসব, এই হাসি, এই দেখাশুনা
 শূন্য নীলাম্বরে ।
 নিকুঞ্জের বর্ণচ্ছটা একদিন বিচ্ছেদ-বেলায়
 ভেসে যাবে বৎসরান্তে রক্ত-সন্ধ্যা-স্বপ্নের ভেলায়,
 বনের মঞ্জীর-ধ্বনি অবসন্ন হবে নিরালায়
 শ্রান্তি-ক্লান্তি-ভরে ॥

তোমাতে করিবে বন্দী নিত্যকাল মৃত্তিকা-শৃঙ্খলে
 শক্তি আছে কার ?
 ইচ্ছায় বন্ধন লও, সে বন্ধন ইন্দ্রজাল-বলে
 করো অলঙ্কার ।

সে বন্ধন দোলরজ্জু, স্বর্গে মর্ত্যে দোলে ছন্দভরে,
 সে বন্ধন শ্বেতপদ্ম, বাণীর মানস-সরোবরে,
 সে বন্ধন বীণাতন্ত্র, সুরে সুরে সঙ্গীত-নির্ব্বারে
 বর্ষিছে বঙ্কার ॥

নন্দনে আনন্দ তুমি, এই মর্ত্যে, হে মর্ত্যের প্রিয়,
 নিত্য নাই হ'লে !
 সুদূর মাধুর্য্যপানে তব স্পর্শ, অনির্ব্বচনীয়,
 দ্বার যদি খোলে,
 ক্ষণে ক্ষণে সেথা আসি' নিস্তরু দাঁড়াবে বসুন্ধরা,
 লাগিবে মন্দার-রেণু শিরে তা'র উর্দ্ধ হ'তে ঝরা,
 মাটির বিচ্ছেদপাত্র স্বর্গের উচ্ছ্বাস-রসে ভরা
 র'বে তা'র কোলে ॥

রাগরঙ্গ

গান

রঙ লাগালে বনে বনে,
চেউ জাগালে সমীরণে ।
আজ ভুবনের ছয়ার খোলা,
দোল দিয়েছে বনের দোলা,
কোন্ ভোলা-সে ভাবে ভোলা
খেলায় প্রাঙ্গণে ॥

আন্ বাঁশি তোর আন্ রে,
লাগলো সুরের বান রে,
বাতাসে আজ দে ছড়িয়ে
শেষ বেলাকার গান রে ।
সঙ্ক্যাকশের বুকফাটা সুর
বিদায় রাতি ক'র্বে মধুর,
মাতুলো আজি অন্তমাগর
সুরের প্লাবনে ॥

বসন্তের বিদায়

মুখখানি করো মলিন বিধুর

যাবার বেলা,

জানি আমি জানি সে তব মধুর

ছলের খেলা ।

জানিগো, বন্ধু, ফিরে আসিবার পথে

গোপন চিহ্ন এঁকে যাবে তব রথে,

জানি তুমি তা'রে ভুলিবে না কোনোমতে,

যার সাথে তব হ'লো একদিন

মিলন-মেলা ॥

জানি আমি যবে অঁখিজল ভরে

রসের স্নানে

মিলনের বীজ অঙ্কুর ধরে

নবীন প্রাণে ।

খনে খনে এই চির-বিরহের ভাণ,

খনে খনে এই ভয়-রোমাঞ্চ দান,

তোমার প্রণয়ে সত্যসোহাগে

মিথ্যা হেলা ॥

প্রার্থনা

গান

জানি তুমি ফিরে আসিবে আবার জানি,
তবু মনে মনে প্রবোধ নাহি-যে মানি ।
বিদায়-লগনে ধরিয়া ছুয়ার
তবু-যে তোমায় বলি বারবার
“ফিরে এসো, এসো বন্ধু আমার”
বাম্প-বিভল বাণী ॥

যাবার বেলায় কিছু মোরে দিয়ো দিয়ো
গানের সুরেতে তব আশ্বাস, প্রিয় ।
বনপথে যবে যাবে, সে-ক্ষণের
হয়তো বা কিছু র’বে স্মরণের,
তুলি লবো সেই তব চরণের
দলিত কুসুমখানি ॥

অহৈতুক

গান

মন র'বে কি না র'বে আমারে
সে আমার মনে নাই গো ।
ক্ষণে ক্ষণে আসি তব দুয়ারে
অকারণে গান গাই গো ।
চ'লে যায় দিন, যতখন আছি
পথে যেতে যদি আসি কাছাকাছি
তোমার মুখের চকিত সুখের
হাসি দেখিতে-যে চাই গো,
তাই অকারণে গান গাই গো ॥
ফাগুনের ফুল যায় ঝরিয়া
ফাগুনের অবসানে ।
ক্ষণিকের মুঠি দেয় ভরিয়া
আর কিছু নাহি জানে ।
ফুরাইবে দিন, আলো হবে ক্ষীণ,
গান সারা হবে, থেমে যাবে বীণ,
যতখন থাকি ভ'রে দিবে না কি
এ খেলারি ভেলাটাই গো ;
তাই অকারণে গান গাই গো ॥

মনের মানুষ *

কত না দিনের দেখা
কত না রূপের মাঝে,
সে কার বিহনে একা
মন লাগে নাই কাজে ।

কার নয়নের চাওয়া,
পালে দিয়েছিলো হাওয়া,
কার অধরের হাসি
আমার বীণায় বাজে ॥

কত ফাগুনের দিনে,
চ'লেছিছু পথ চিনে,
কত শ্রাবণের রাতে
লাগে স্বপনের ছোঁওয়া ।

* এই ছন্দ চৌপদী জাতীয় নহে । ইহার যতি-বিভাগ নিম্নলিখিত
রূপে :—

কত না দিনের ! দেখা
কত না রূপের । মাঝে ।
সে কার বিহনে । একা
মন লাগে নাই । কাজে ॥

চাওয়া-পাওয়া নিয়ে থেলা,
 কেটেছিলো কত বেলা,
 কখনো বা পাই পাশে
 কখনো বা যায় খোওয়া ॥

শরতে এসেছে ভোরে
 ফুল-সাজি হাতে ক'রে,
 শীতে গোধূলির বেলা
 জ্বালায়েছে দীপ-শিখা,

কখনো করুণ সুরে
 গান গেয়ে গেছে দূরে,
 যেন কাননের পথে
 রাগিণীর মরীচিকা ॥

সেই সব হাসি কাঁদা,
 বাঁধন খোলা ও বাঁধা,
 অনেক দিনের মধু,
 অনেক দিনের মায়া,

আজ এক হ'য়ে তা'রা,
 মোরে করে মাতোয়ারা,
 এক বীণা-রূপ ধরি'
 এক গানে ফেলে ছায়া ॥

নানা ঠাই ছিল নানা
 আজ তা'রে হ'লো জানা,
 বাহিরে সে দেখা দিত
 মনের মানুষ মম ;

আজ নাই আধাআধি,
 ভিতর বাহির বাঁধি'
 এক দোলাতেই দোলে
 মোর অন্তরতম ॥

চঞ্চল

ওরে প্রজাপতি, মায়া দিয়ে কে যে
পরশ করিল তোরে !
অস্ত-রবির তুলিখানি চুরি ক'রে ।
বাতাসের বুকে যে-চঞ্চলের বাসা
বনে বনে তুই বহিস্ তাহারি ভাষা,
অঙ্গুরীদের দোল-খেলা ফুল-রেণু
পাঠায় কে তোর ছ-খানি পাঁখায় ভ'রে ॥

যে-গুণী তাহার কীর্তি-নাশার নেশায়
চিকন রেখার লিখন শূন্যে মেশায়,
সুর বাঁধে আর সুর যে হারায় ভুলে',
গান গেয়ে চলে ভোলা রাগিণীর কূলে,
তা'র হারা সুর নাচের হাওয়ার বেগে,
ডানাতে তোমার কখন প'ড়েছে ঝ'রে ॥

উৎসব

সন্ম্যাসী-যে জাগিল, ঐ জাগিল ঐ জাগিল ।

হাস্তভরা দখিন বায়ে

অঙ্গ হ'তে দিল উড়ায়ে

শ্মশানচিহ্নাভস্মরাশি ভাগিল কোথা ভাগিল ।

মানসলোকে শুভ্র আলো

চূর্ণ হ'য়ে রং জাগালো,

মদির রাগ লাগিল তা'রে,

হৃদয়ে তা'র লাগিল ।

আয়রে তোরা আয়রে তোরা আয়রে,

রঙের ধারা ঐ-যে ব'হে যায় রে ॥

রঙের ঝড় উচ্ছৃঙ্খল গগনে,

রঙের ঢেউ রসের স্রোতে মাতিয়া ওঠে সঘনে ;—

ডাকিল বান আজি সে কোন্ কোটালে ।

নাকাড়া বাজে, কানাড়া বাজে বাঁশিতে

কান্নাধারা মিলিয়া গেছে হাসিতে,

প্রাণের মাঝে ফোয়ারা তা'র ছোটালে ।

এসেছে হাওয়া বাণীতে দোল-দোলানো—

এসেছে পথ-ভোলানো,

এসেছে ডাক ঘরের দ্বার-খোলানো ।

আয়রে তোরা আয়রে তোরা আয়রে

রঙের ধারা ঐ-যে ব'হে যায় রে ।

উদয়-রবি যে রাঙা রঙ রাঙায়ে
 পূর্বাচলে দিয়েছে ঘুম ভাঙায়ে—
 অস্তরবি সে রাঙা রসে রসিল,
 চির-প্রাণের বিজয়বাগী ঘোষিল,
 অরুণবীণা যে-সুর দিল রনিয়া
 সন্ধ্যাকাশে সে-সুর উঠে ঘনিয়া,
 নীরব নিশীথিনীর বুকে নিখিল শ্বনি শ্বনিয়া ।
 আয়রে তোরা আয়রে তোরা আয়রে
 বাঁধনহারা রঙের ধারা ঐ-যে ব'হে যায় রে ॥

শেষের রং

গান

রাঙিয়ে দিয়ে যাওগো এবার

যাবার আগে,—

আপন রাগে,

গোপন রাগে,

তরুণ হাসির অরুণ রাগে,

অশ্রুজলের করুণ রাগে ॥

রং যেন মোর মর্মে লাগে

আমার সকল কর্মে লাগে,

সঙ্ক্যাদীপের আগায় লাগে,

গভীর রাতের জাগায় লাগে ॥

যাবার আগে যাওগো আমায়

জাগিয়ে দিয়ে,

রক্তে তোমার চরণ-দোলা

লাগিয়ে দিয়ে ।

অঁধার নিশার বক্ষে যেমন তারা জাগে,

পাষণ-গুহার কক্ষে নিঝর-ধারা জাগে,

মেঘের বুকে যেমন মেঘের মল্ল জাগে,

বিশ্ব-নাচের কেন্দ্রে যেমন ছন্দ জাগে,

তেমনি আমায় দোল দিয়ে যাও

যাবার পথে আগিয়ে দিয়ে,

কাঁদন-বাঁধন ভাগিয়ে দিয়ে ॥

দোল

আলোক-রসে মাতাল রাতে
বাজিল কার বেণু ।
দোলের হাওয়া সহসা মাতে
ছড়ায় ফুল-রেণু ।
অমল-রুচি মেঘের দলে
আনিল ডাকি' গগনতলে,
উদাস হ'য়ে ওরা-যে চলে
শূন্যে চরা ধেহু ॥

দোলের নাচে সে বুঝি আছে
অমরাবতী পুরে ?
বাজায় বেণু বৃকের কাছে
বাজায় বেণু দূরে ।
সরম ভয় সকলি ত্যেজে
মাধবী তাই আসিল সেজে,
শুধায় শুধু “বাজায় কে যে
মধুর মধু সুরে !”

গগনে শুনি এ কী এ কথা,
কাননে কী-যে দেখি !
একি মিলন-চঞ্চলতা ?
বিরহ-ব্যথা একি ?

অঁচল কাঁপে ধরার বুকে,
কী জানি তাহা সুখে না দুখে !
ধরিতে যারে না পারে তা'রে
স্বপনে দেখিছে কি ?

লাগিল দোল জলে স্থলে,
জাগিল দোল বনে,
সোহাগিনীর হৃদয়তলে
বিরহিণীর মনে ।
মধুর মোরে বিধুর করে
সুদূর তা'র বেগুর স্বরে,
নিখিল হিয়া কিসের তরে
ছলিছে অকারণে ॥

আনো গো আনো ভরিয়া ডালি
করবীমালা ল'য়ে,
আনো গো আনো সাজায়ে থালি
কোমল কিশলয়ে ।
এসো গো পীত বসনে সাজি',
কোলেতে বীণা উঠুক বাজি',
ধ্যানেতে আর গানেতে আজি
যামিনী যাক্ ব'য়ে ॥

এসো গো এসো দোল-বিলাসী
বাণীতে মোর দোলো ।

ছন্দে মোর চকিতে আসি'
 মাতিয়ে তা'রে তোলো ।
 অনেক দিন বুকের কাছে
 রসের স্রোত থমকি' আছে,
 নাচিবে আজি তোমার নাচে
 সময় তারি হ'লো ॥

কিশোর, আজি তোমার দ্বারে
 পরাণ মম জাগে ।
 নবীন কবে করিবে তা'রে
 রঙীন তব রাগে ?
 ভাবনাগুলি বাঁধন-খোলা
 রচিয়া দিবে তোমার দোলা,
 দাঁড়িয়ে আসি' হে ভাবে-ভোলা,
 আমার অঁখি-আগে ॥

ବର୍ଷାମଞ୍ଚଳ

ଓ

ସ୍ବଚ୍ଛ-ରୋପଣ

ଉଠେ ସବ

বর্ষা-মঙ্গল

গান

নীল অঞ্জনঘন-পুঞ্জছায়ায় সম্বৃত অম্বর,
হে গম্ভীর ।

বনলক্ষ্মীর কম্পিত কায় চঞ্চল অন্তর,
ঝঙ্কত তা'র ঝিল্লির মঞ্জীর ।

বর্ষণ-গীত হ'লো মুখরিত মেঘমস্তিত ছন্দে,
কদম্ববন গভীর মগন আনন্দঘন গঞ্জে,
নন্দিত তব উৎসব-মন্দির,
হে গম্ভীর ।

দহন-শয়নে তপ্ত ধরণী প'ড়েছিলো পিপাসার্তা,
পাঠালে তাহারে ইন্দ্রলোকের অমৃতবারির বার্তা ।
মাটির কঠিন বাধা হ'লো ক্ষীণ,
দিকে দিকে হ'লো দীর্ণ,
নব-অঙ্কুর জয়পতাকায় ধরাতল সমাকীর্ণ ;
ছিন্ন হ'য়েছে বন্ধন বন্দীর,
হে গম্ভীর ॥

হৃদয়-রোপণ

গান

১

মরুবিজয়ের কেতন উড়াও শূন্যে,
হে প্রবল প্রাণ ।
ধূলিরে ধন্য করো করুণার পুণ্যে,
হে কোমল প্রাণ ।
মৌনী মাটির মর্ম্বের গান কবে
উঠিবে ধ্বনিয়া মর্ম্বের তব রবে,
মাধুরী ভরিবে ফুলে ফলে পল্লবে,
হে মোহন প্রাণ ।

পথিকবন্ধু, ছায়ার আসন পাতি'
এসো শ্যাম সুন্দর,
এসো বাতাসের অধীর খেলার সাথী,
মাতাও নীলাশ্বর ।
উষায় জাগাও শাখায় গানের আশা,
সন্ধ্যায় আনো বিরাম-গভীর ভাষা,
রচি' দাও রাতে সুপ্তগীতের বাসা,
হে উদার প্রাণ ।

গান

২

আয় আমাদের অঙ্গনে,
অতিথি বালক তরুদল,
মানবের স্নেহ-সঙ্গ নে,
চল, আমাদের ঘরে চল ।
শ্রাম-বঙ্কিম ভঙ্গীতে
চঞ্চল কল-সঙ্গীতে
দ্বারে নিয়ে আয় শাখায় শাখায়
প্রাণ-আনন্দ কোলাহল ॥
তোদের নবীন পল্লবে
নাচুক আলোক সবিতার,
দে পবনে বন-বল্লভে
মর্ম্বর গীত উপহার ।
আজি শ্রাবণের বর্ষণে
আশীর্বাদের স্পর্শ নে,
পড়ুক মাথায় পাতায় পাতায়
অমরাবতীর ধারাজল ।

ক্ষিতি

বক্ষের ধন হে ধরণী, ধরো
ফিরে নিয়ে তব বক্ষে !
শুভদিনে এরে দীক্ষিত করো
আমাদের চির-সখ্যে ।
অস্তুরে পাক্ কঠিন শক্তি,
কোমলতা ফুলে পত্রে,
পক্ষিসমাজে পাঠাক্ পত্নী
তোমার অঙ্গসত্রে ॥

অপ

হে মেঘ, ইন্দ্রের ভেরী বাজাও গম্ভীর মল্লস্বনে
মেঘুর অম্বরতলে । আনন্দিত প্রাণের স্পন্দনে
জাপ্তক্ এ শিশুবৃক্ষ । মহোৎসবে লহো এ'রে ডেকে
বনের সৌভাগ্য-দিনে ধরণীর বর্ষা-অভিষেকে ॥

তেজ

সৃষ্টির প্রথম বাণী তুমি, হে আলোক ;
এ নব তরুতে তব শুভদৃষ্টি হোক্ ।
একদা প্রচুর পুষ্পে হবে সার্থকতা
উহার প্রচ্ছন্ন প্রাণে রাখো সেই কথা ।
স্নিগ্ধ পল্লবের তলে তব তেজ ভরি'
হোক্ তব জয়ধ্বনি শতবর্ষ ধরি' ॥

মরুৎ

হে পবন করো নাই গোণ,
 আষাঢ়ে বেজেছে তব বংশী ।
 তাপিত নিকুঞ্জের মৌন
 নিঃশ্বাসে দিলে তুমি ধ্বংসি' ।
 এ তরু খেলিবে তব সঙ্গে,
 সঙ্গীতে দিয়ো এরে ভিক্ষা ।
 দিয়ো তব ছন্দের রঙ্গে
 পল্লব-হিল্লোল শিক্ষা ॥

ব্যোম

আকাশ, তোমার সহাস উদার দৃষ্টি
 মাটির গভীরে জাগায় রূপের সৃষ্টি ।
 তব আস্থানে এই তো শ্যামল মূর্তি
 আলোক-অমৃতে খুঁজিছে প্রাণের পূর্তি ।
 দিয়েছো সাহস, তাই তব নীলবর্ণে
 বর্ণ মিলায় আপন হরিৎপর্ণে ।
 তরু-তরুণেরে করুণায় করো ধন্য,
 দেবতার স্নেহ পায় যেন এই বন্য ॥

হৃদয় রোপণ

মাস্ট্রলিক

প্রাণের পাথেয় তব পূর্ণ হোক, হে শিশু চিরায়,
বিশ্বের প্রসাদস্পর্শে শক্তি দিক্ সুখা-সিক্ত বায়ু।
হে বালকবৃক্ষ, তব উজ্জল কোমল কিশলয়
আলোক করিয়া পান ভাণ্ডারেতে করুক সঞ্চয়
প্রচ্ছন্ন প্রশান্ত তেজ। ল'য়ে তব কল্যাণকামনা
শ্রাবণ বর্ষণ-যজ্ঞে তোমারে করিহু অভ্যর্থনা।—
থাকো প্রতিবেশী হ'য়ে, আমাদের বন্ধু হ'য়ে থাকো।
মোদের প্রাক্ষণে ফেলো ছায়া, পথের কঙ্কর ঢাকো
কুসুম বর্ষণে ; আমাদের বৈতালিক বিহঙ্গমে
শাখায় আশ্রয় দিয়ো ; বর্ষে বর্ষে পুষ্পিত উত্তমে
অভিনন্দনের গন্ধ মিলাইয়ো বর্ষা-গীতিকায়,
সন্ধ্যা-বন্দনার গানে। মোদের নিকুঞ্জ-বীথিকায়
মঞ্জুল মর্ম্মরে তব ধরিত্রীর অন্তঃপুর হ'তে
প্রাণ-মাতৃকার মন্ত্র উচ্ছ্বসিবে সূর্য্যের আলোতে।
শত বর্ষ হবে গত, রেখে যাবো আমাদের প্রীতি
শ্যামল লাবণ্যে তব। সে-যুগের নূতন অতিথি
বসিবে তোমার ছায়ে। সেদিন বর্ষণ-মহোৎসবে
আমাদের নিমন্ত্রণ পাঠাইয়ো তোমার সৌরভে
দিকে দিকে বিশ্বজনে। আজি এই আনন্দের দিন
তোমার পল্লবপুঞ্জে পুষ্পে তব হোক্ মৃত্যুহীন !
রবীন্দ্রের কণ্ঠ হ'তে এ সঙ্গীত তোমার মঙ্গলে
মিলিল মেঘের মন্ড্রে, মিলিল কদম্ব-পরিমলে ॥

বর্ষা-মকল

গান

৩

আহ্বান আসিল মহোৎসবে
অম্বরে গম্ভীর ভেরীরবে ।
পূর্ববায়ু চলে ডেকে
শ্রামলের অভিষেকে,
অরণ্যে অরণ্যে নৃত্য হবে ।
নির্ঝর-কল্লোল-কলকলে
ধরণীর আনন্দ উচ্ছলে ।
শ্রাবণের বীণাপাণি
মিলালো বর্ষণ-বাণী
কদম্বের পল্লবে পল্লবে ।

৪

কোন্ পুরাতন প্রাণের টানে
ছুটেছে মন মাটির পানে ।
চোখ ডুবে যায় নবীন ঘাসে
ভাবনা ভাসে পূব বাতাসে,
মল্লার গান প্লাবন জাগায়
মনের মধ্যে শ্রাবণ গানে ।

লাগলো যে-দোল বনের মাঝে, -
 অঙ্গে সে মোর দেয় দোলা-যে।
 যে-বাণী ঐ ধানের ক্ষেতে
 আকুল হ'লো অঙ্কুরেতে,
 আজ এই মেঘের শ্যামল মায়ায়
 সেই বাণী মোর স্মরে আনে।

৫

আজ শ্রাবণের আমন্ত্রণে
 ছয়ার কাঁপে ক্ষণে ক্ষণে,
 ঘরের বাঁধন যায় বুঝি আজ টুটে'।
 ধরিত্রী তাঁর অঙ্গনেতে
 নাচের তালে ওঠেন মেতে,
 চঞ্চল তা'র অঞ্চল যায় লুটে।
 প্রথম যুগের বচন শুনি মনে
 নব শ্যামল প্রাণের নিকেতনে।
 পূব হাওয়া ধায় আকাশতলে
 তা'র সাথে মোর ভাবনা চলে
 কাল-হারা কোন্ কালের পানে ছুটে'।

৬

ঝড় নেবে আয়, আয়রে আমার শুকনো পাতার ডালে

এই বরষায় নবশ্যামের আগমনের কালে ।

যা' উদাসীন, যা' প্রাণহীন, যা' আনন্দহারা

চরম রাতের অশ্রুধারায় আজ হ'য়ে যাক সারা,

যাবার যাহা যাক সে চ'লে রুজনাচের তালে ।

আসন আমায় পাত্তে হবে রিক্ত প্রাণের ঘরে,

নবীন বসন প'রতে হবে সিক্ত বুকের 'পরে ।

নদীর জলে বান ডেকেছে কূল গেল তা'র ভেসে,

যুথীবনের গন্ধবাণী ছুটলো নিরুদ্দেশে,

পরাণ আমার জাগলো বুঝি মরণ-অন্তরালে ।

नवीन

নবীন

প্রথম পর্ব

বাসন্তী, হে ভুবনমোহিনী,
দিক প্রান্তে, বন বনাশ্বে
শ্রাম প্রান্তরে আম্রছায়ে,
সরোবর তীরে নদী নীরে,
নীল আকাশে মলয় বাতাসে,
ব্যাপিল অনন্ত তব মাধুরী ।

নগরে গ্রামে কাননে
দিনে নিশীথে
পিক সঙ্গীতে নৃত্য গীত-কলনে
বিশ্ব আনন্দিত ;
ভবনে ভবনে

বীণা তান রণ-রণ ঝঙ্কত ।
মধু-মদ-মোদিত হৃদয়ে হৃদয়ে বে
নব প্রাণ উচ্ছ্বসিল আজি,
বিচলিত চিত উচ্ছলি' উদ্গাদনা
ঝন ঝন ঝনিল মঞ্জীরে মঞ্জীরে ॥

তুনেচা অলিমালা, ওরা ধিক্কার দিচ্ছে ঐ ও-পাড়ার মল্লের দল ; তোমাদের
চাপল্য তাদের ভালো লাগ্চে না। শৈবালগুচ্ছ-বিলম্বী ভারী ভারী সব
কালো কালো পাথরগুলোর মতো তমিস্রগহন গান্ধীর্যো ওরা গুহাঘারে-জ্রুটি
পুঞ্জিত ক'রে ব'সে আছে। কলহাস্তচঞ্চলা নির্ঝরিণী ওদের নিষেধ লঙ্ঘন

ক'রেই বেরিয়ে পড়ুক এই আনন্দময় বিশ্বের আনন্দপ্রবাহ দিকে দিগন্তে
বইয়ে দিতে, নাচে গানে কল্লোলে হিল্লোলে; চূর্ণ চূর্ণ সূর্য্যের আলো উদ্বেল
তরঙ্গভঙ্গের অঞ্জলি-বিক্ষেপে ছড়িয়ে ছড়িয়ে নিরুদ্ধেশ হ'য়ে যেতে। এই
আনন্দ-আবেগের অন্তরে অন্তরে যে-অক্ষয় শৌর্য্যের অল্পপ্রেরণা আছে সেটা
ও-পাড়ার শাস্ত্রবচনের বেড়া এড়িয়ে চলে গেল। ভয় ক'রোনা তোমরা,
যে রস-রাজের নিয়ন্ত্রণে এসেচো তাঁর প্রসন্নতা যেমন আজ নেমেচে আমাদের
নিকুঞ্জে ঐ অন্তঃস্থিত গন্ধরাজ মুকুলের প্রচ্ছন্ন গন্ধরেণুতে, তেমনি নামুক
তোমাদের কণ্ঠে, তোমাদের দেহলতার নিরুদ্ধ নটনোৎসাহে। সেই যিনি
সুরের গুরু, তাঁরই চরণে তোমাদের নৃত্যের নৈবেদ্য আজ নিব্বারিত
ক'রে দাও।

সুরের গুরু, দাও গো সুরের দীক্ষা
মোরা সুরের কাঙাল এই আমাদের ভিক্ষা !
মন্দাকিনীর ধারা,
উষার শুকতারা,
কনকচাঁপা কানে কানে যে-সুর পেলো শিক্ষা।
তোমার সুরে ভরিয়ে নিয়ে চিন্ত
যাবো যেথায় বেসুর বাজে নিত্য।
কোলাহলের বেগে
ঘূর্ণি উঠে জেগে,
নিয়ো তুমি আমার বীণার সেইখানেই পরীক্ষা ॥

তুমি সুন্দর যৌবন-ঘন
রসময় তব মূর্ত্তি,
দৈন্ত্রভরণ বৈভব তব
অপচয় পরিপূর্ত্তি।

নৃত্য গীত কাব্য ছন্দ
কল গুঞ্জন বর্ণ গন্ধ,
মরণহীন চির-নবীন
তব মহিমা স্মৃতি ॥

ওদিকে আধুনিক আমলের বারোয়ারির দল ব'ল্চে উৎসবে নতুন কিছু চাই। কোণা-কাটা ত্যাড়াবাঁকা ছমদাম-করা কড়া-ফ্যাশানের আহেলা বেলাতি নতুনকে না হ'লে তাদের শুকনো মেজাজে জোর পৌছচে না। কিন্তু যাদের রস-বেদনা আছে তারা কানে কানে ব'লে গেলেন আমরা নতুন চাইনে আমরা চাই নবীনকে। এ'রা বলেন মাধবী বছরে বছরে বাঁকা ক'রে খোঁচা মেয়ে সাজ বদলায় না, অশোক পলাশ একই পুরাতন রঙে নিঃসঙ্কোচে বারে বারে রঙীন। চিরপুরাতনী ধরণী চিরপুরাতন নবীনের দিকে তাকিয়ে ব'ল্চে, “লাথ লাথ যুগ হিয়ে হিয়ে রাখছ তবু হিয়া জুড়ন না গেল।” সেই নিত্যনন্দিত সহজ শোভন নবীনের উদ্দেশে তোমাদের আত্মনিবেদনের গান সুরু ক'রে দাও।

আন গো তোরা কা'র কী আছে,
দেবার হাওয়া বইলো দিকে দিগন্তরে
এই সুসময় ফুরায় পাছে।
কুঞ্জবনের অঞ্জলি-যে ছাপিয়ে পড়ে,
পলাশ-কানন ধৈর্য্য হারায় রঙের ঝড়ে,
বেগুর শাখা তালে মাতাল পাতার নাচে ॥
প্রজাপতি রঙ ভাসালো নীলাম্বরে,
মৌমাছির ধ্বনি উড়ায় বাতাস 'পরে।
দখিন হাওয়া হেঁকে বেড়ায় জাগো জাগো,
দোয়েল কোয়েল গানের বিরাম জানেনা গো,
রক্ত-রঙের জাগ্লো প্রলাপ অশোক গাছে ॥

আজ বরবর্ণিনী অশোক-মঞ্জরী তা'র চেলাঞ্চল আন্দোলনের সঙ্গে সঙ্গে
আকাশে রক্ত-রঙের কিঙ্কিনী ঝঙ্কার বিকীর্ণ ক'রে দিলে ; কুঞ্জবনের শিরীষ-
বীধিকায় আজ সৌরভের অপবিমেয় দাক্ষিণ্য। ললিতিকা, আমরাও তো
শূণ্য হাতে আসিনি। মাধুর্যের অতল সমুদ্রে আজ দানের জোয়ার লেগেচে,
আমরাও ঘাটে ঘাটে দানের বোঝাই তরীর রসি থসিয়ে দিয়েছি। যে-নাচের
তরঙ্গে তা'রা ভেসে প'ড়লো, সেই নাচের ছন্দটা, কিশোর, দেখিয়ে দাও।

ফাণ্ডন তোমার হাওয়ায় হাওয়ায়

ক'রেছি-যে দান

আমার আপনহারা প্রাণ,

আমার বাঁধন-ছেঁড়া প্রাণ ॥

তোমার অশোকে কিংস্তুকে

অলক্ষ্য রং লাগলো আমার অকারণের স্মৃতি,

তোমার ঝাউএর দোলে

মর্ম্মরিষা ওঠে আমার ছুঃখরাতের গান ॥

পূর্ণিমা সঙ্কায়

তোমার রজনী-গঙ্কায়

রূপ সাগরের পারের পানে উদাসী মন ধায়।

তোমার প্রজাপতির পাখা

আমার আকাশ-চাওয়া মুকুটোখের রঙীন স্বপন মাখা ;

তোমার চাঁদের আলোয়

মিলায় আমার ছুঃখ স্মৃতির সকল অবসান ॥

ভ'রে দাও, একেবারে ভ'রে দাও গো, “প্যালা ভর ভর লায়ী রে।”
পূর্ণের উৎসবে দেওয়া আর পাওয়া, একেবারে একই কথা। ঝরনার এক
প্রান্তে কেবলি পাওয়া, অভ্রভেদী শিখরের দিক থেকে, আর এক প্রান্তে
কেবলি দেওয়া অতলস্পর্শ সমুদ্রের দিক-পানে। এই ধাবার মাঝখানে শেষে

বিচ্ছেদ নেই। অস্তুহীন পাওয়া আর অস্তুহীন দেওয়ার নিরবচ্ছিন্ন আবর্তন এই বিশ্ব। আমাদের গানেও সেই আবৃত্তি, কেননা গান তো আমরা শুধু কেবল গাইনে, গান-যে আমরা দিই, তাই গান আমরা পাই।

গানের ডালি ভ'রে দে গো উষার কোলে—

আয় গো তোরা, আয় গো তোরা, আয় গো চ'লে।

চাঁপার কলি চাঁপার গাছে

সুরের আশায় চেয়ে আছে,

কান পেতেছে নতুন পাতা, গাইবি ব'লে।

কমল বরণ গগন মাঝে

কমল চরণ ঐ বিরাজে।

ঐখানে তোর সুর ভেসে যাক্,

নবীন প্রাণের ঐ দেশে যাক্,

ঐ যেখানে সোনার আলোর ছয়ার খোলে ॥

মধুরিমা দেখো দেপো, চন্দ্রমা তিথির পর তিথি পেরিয়ে আজ তা'র উৎসবের তরণী পূর্ণিমার ঘাটে পৌঁছিয়ে দিয়েচে। নন্দনবন থেকে কোমল আলোর শুভ্র স্নকুমার পারিজাত-স্তবকে তা'র ডালি ভ'রে আন্লো। সেই ডালিখানিকে ঐ কোলে নিয়ে ব'সে আছে কোন্ মাধুরীর মহাশ্বেতা। রাজ-হংসের ডানার মতো তা'র লঘু মেঘের শুভ্র বসনাঞ্চল স্রস্ত হ'য়ে প'ড়েচে ঐ আকাশে আর তা'র বীণার রূপোর তন্তুগুলিতে অলস অঙ্গুলি-ক্ষেপে থেকে থেকে গুঞ্জরিত হ'চ্ছে বেহাগের তান।

নিবিড় অমা-তিমির হ'তে

বাহির হ'লো জোয়ার স্রোতে

শুক্ররাতে চাঁদের তরণী।

ভরিল ভরা অরূপ ফুলে,
সাজালো ডালা অমরা-কূলে
আলোর মালা চামেলি-ঘরণী।
শুরুরাতে চাঁদের তরণী ॥

তিথির পরে তিথির ঘাটে
আসিছে তরী দোলের নাটে,
নীরবে হাসে স্বপনে ধরণী।
উৎসবের পসরা নিয়ে
পূর্ণিমার কূলেতে কি এ
ভিড়িল শেষে তন্দ্রাহরণী
শুরুরাতে চাঁদের তরণী ॥

দোল লেগেচে এবার। পাওয়া আর না পাওয়ার মাঝখানে এই দোল।
এক-প্রাস্তে মিলন আর এক-প্রাস্তে বিরহ, এই দুই প্রাস্ত স্পর্শ ক'রে ক'রে তুলে,
বিশ্বের হৃদয়। পরিপূর্ণ আর অপূর্ণের মাঝখানে এই দোলন। আলোতে
ছায়াতে ঠেকতে ঠেকতে রূপ জাগচে জীবন থেকে মরণে, বাহির থেকে
অন্তরে। এই ছন্দটি বাঁচিয়ে যে চ'লতে চায় সে তো যাওয়া-আসার দ্বার
খোলা রেখে দেয়। কিন্তু ঐ যে হিসাবী মানুষটা দ্বারে শিকল দিয়ে আঁক
পাড়ে তা'র শিকল নাড়া দাও তোমরা। ঘরের লোককে অন্তত আজ এক
দিনেব মতো ঘর-ছাড়া করো।

ওরে গৃহবাসী, তোরা খোল্ দ্বার খোল্,
লাগলো-যে দোল্।
স্থলে জলে বন-তলে
লাগলো-যে দোল্।
খোল্ দ্বার খোল্ ॥

রাঙা হাসি রাশি রাশি অশোকে পলাশে,
রাঙা নেশা মেঘে মেশা প্রভাত আকাশে,
নবীন পাতায় লাগে রাঙা হিল্লোল ।
খোল্ দ্বার খোল্ ॥

বেণুবন মর্ম্মরে দখিন বাতাসে,
প্রজাপতি দোলে ঘাসে ঘাসে—
মউমাছি ফিরে যাচি' ফুলের দখিণা,
পাখায় বাজায় তা'র ভিখারীর বীণা,
মাধবী-বিতানে বায়ু গন্ধে বিভোল ।
খোল্ দ্বার খোল্ ॥

আমি সকল নিয়ে ব'সে আছি সর্ব্বনাশের আশায়,
আমি তা'র লাগি' পথ চেয়ে আছি পথে যে-জন ভাসায় ।
যে-জন দেয় না দেখা যায় যে দেখে
ভালোবাসে আড়াল থেকে
আমার মন মজেছে সেই গভীরের
গোপন ভালোবাসায় ।

সর্ব্বনাশের ব্রত যাদের, তাদের ভয় ভাঙিয়ে দাও । কারো কারো যে
দ্বিধা ঘোচে না । ঐ দেখোনা পাতার আড়ালে মাধবী । ঐ অবগুষ্ঠিতাদের
সাহস দাও । শুন্‌চো না, বকুলগুলো ঝ'ঝুতে ঝ'ঝুতে ব'ল্‌চে, যা হয় তা হোক
গে, আমার মুকুল ব'লে উঠ্‌চে, কিছু হাতে রাখ্‌বে না । যারা কুপণতা
ক'রবে তাদের সময় ব'য়ে যাবে ।

হে মাধবী, দ্বিধা কেন, আসিবে কি ফিরিবে কি,
আঙিনাতে বাহিরিতে মন কেন গেল ঠেকি' ।

বাতাসে লুকায়ে থেকে

কে-যে তোরে গেছে ডেকে,

পাতায় পাতায় তোরে পত্র সে-যে গেছে লেখি' ।

কখনু দখিনু হ'তে কে দিল ছুয়ার ঠেলি'

চমকি' উঠিল জাগি' চামেলি নয়ন মেলি' ।

বকুল পেয়েছে ছাড়া,

করবী দিয়েছে সাড়া,

শিরীষ শিহরি' উঠে দূর হ'তে কারে দেখি' ॥

তুমি কোন্ ভাঙনের পথে এলে, সুপ্তরাতে

আমার ভাঙলো যা তাই ধন্য হ'লো চরণপাতে ।

নন্দিনী ঐ দেখে নাও, শিশুর লীলা, ঐ যে কচি কিশলয়

‘শ্যামল কোমল চিকণ রূপের নবীন শোভা—দেখে যা—

কল উতরোল চঞ্চল-দোল ঐ যে বোবা ।

শিশু হ'য়ে এসেচে চিরনবীন, কিশলয়ে তা'র ছেলেখেলা জমাবার জন্তে ।
দোসর হ'য়ে তা'র সঙ্গে যোগ দিল ঐ স্বধ্বের আলো, সেও সাজলো শিশু,
নারাবেলা সে কেবল ঝিকিমিকি ক'রুচে । সেই তো তা'র কলপ্রলাপ ।
ওদের নাচে নাচে মুখরিত হ'য়ে উঠলো প্রাণ-গীতিকার প্রথম ধূয়োটি ।

ওরা অকারণে চঞ্চল।

ডালে ডালে দোলে, বায়ুহিল্লোলে

নব পল্লবদল।

ছড়িয়ে ছড়িয়ে ঝিকিমিকি আলো,

দিকে দিকে ওরা কী খেলা খেলালো ;

মর্ম্মর তানে প্রাণে ওরা আনে

কৈশোর কোলাহল।

ওরা কান পেতে শোনে গগনে গগনে

নীরবের কানাকানি,

নীলিমার কোন্ বাণী।

ওরা প্রাণ-ঝরনার উচ্ছ্বল ধার,

ঝরিয়া ঝরিয়া বহে অনিবার,

চির-তাপসিনী ধরণীর ওরা

শ্যামশিখা হোমানল ॥

দীর্ঘ শূন্য পথটাকে এতদিন ঠেকেছিলো বড়ো কঠিন বড়ো নিষ্ঠুর। আজ তাকে প্রণাম। পথিকে সে তো অবশেষে এনে পৌঁছিয়ে দিলে। কিন্তু ভুল্‌বো কেমন ক'রে যে, যে-পথ কাছে নিয়ে আসে সেই পথই দূরে নিয়ে যায়—তাই মনে হয় ঘরের মধ্যে নিশ্চল হ'য়ে মিলন স্থায়ী হয় না, পথে বেরিয়ে প'ড়লে তবেই পথিকের সঙ্গে বিচ্ছেদ এড়ানো যায়। তাই আজ পথকেই প্রণাম।

মোর পথিকেরে বুঝি এনেছো এবার

করণ রঙীন পথ,

এসেছে এসেছে অঙ্গনে, মোর

ছুয়ারে লেগেছে রথ।

সে-যে সাগর-পারের বাণী
 মোর পরাণে দিয়েছে আনি',
 তা'র অঁখির তারায় যেন গান গায়
 অরণ্য পর্বত ॥

দুঃখ-সুখের এপারে ওপারে
 দোলায় আমার মন,
 কেন অকারণ অশ্রু-সলিলে
 ভ'রে যায় দু-নয়ন।
 ওগো নিদারুণ পথ, জানি,
 জানি পুন নিয়ে যাবে টানি'
 তা'রে, চিরদিন মোর যে দিল ভরিয়া
 যাবে সে স্বপনবৎ ॥

বাতাসের চলার পথে যে-মুকুল পড়ে ঝ'রে,
 তা নিয়ে তোমার লাগি' রেখেছি ডালি ভ'রে।

টুকরো টুকরো সুখ-দুঃখের মালা গাঁথবো,—সাতনরী হার পরাবো
 তোমাকে মাধুর্যের মতোগুলি চুনে নিয়ে। ফাগুনের ভরা সাজির উদ্ভূত
 থেকে তুলে নেবো বনের মর্ম্মর, বাণীর স্ত্রে গেঁথে বেঁধে দেবো তোমার
 মণিবন্ধে। হয়তো আবার আর-বসন্তেও সেই আমার দেওয়া ভূষণ প'রেই
 তুমি আসবে। আমি থাকবো না, কিন্তু কী জানি আমার দানের ভূষণ হয়তো
 থাকবে তোমার দক্ষিণ হাতে।

ফাগুনের নবীন আনন্দে
 গানখানি গাঁথিলাম ছন্দে ।
 দিল তা'রে বনবীথি
 কোকিলের কলগীতি,
 ভরি' দিল বকুলের গন্ধে ॥

মাধবীর মধুময় মস্ত
 রঙে রঙে রাঙালো দিগন্ত ।
 বাণী মম নিল তুলি'
 পলাশের কলিগুলি,
 বেঁধে দিল তব মণিবন্ধে ॥

দ্বিতীয় পর্ব

কেন ধ'রে রাখা ও-যে যাবে চ'লে
 মিলন-লগন গত হ'লে ।
 স্বপন-শেষে নয়ন মেলো
 নিবু নিবু দীপ নিবায়ে ফেলো,
 কী হবে শুকানো ফুলদলে ।

এখনো কোকিল ডাক্চে, এখনো শিরীষ বনের পুষ্পাঞ্জলি উঠ্চে ভ'রে
 ভ'রে, তবু এই চঞ্চলতার অন্তরে অন্তরে একটা বেদনা শিউরিয়ে উঠ্লে ।
 বিদায়-দিনের প্রথম হাওয়া অশথ গাছের পাতায় পাতায় ঝর ঝর ক'রে
 উঠ্চে । সভার বীণা বুকি নীরব হবে, দিগন্তে পথের একতারার সুর বাধা
 হ'ছে—মনে হ'ছে যেন বসন্তী রঙ লান হ'য়ে গেফ্যা রঙে নাম্লে ।

চ'লে যায় মরি হায় বসন্তের দিন ।
 দূর শাখে পিক ডাকে বিরামবিহীন ।
 অধীর সমীর ভরে
 উচ্ছ্বসি' বকুল ঝরে,
 গন্ধ সনে হ'লো মন সুদূরে বিলীন ।

পুলকিত আত্মবীথি ফাল্গুনের তাপে,
 মধুকর গুঞ্জরণে ছায়াতল কাঁপে ।
 কেন জানি অকারণে
 সারাবেলা আনমনে
 পরাণে বাজায় বীণা কে গো উদাসীন ॥

বিদায় দিয়ে মোরে প্রসন্ন আলোকে
 রাতের কালো আঁধার যেন নামে না ঐ চোখে ।

হে স্নন্দর, যে-কবি তোমার অভিনন্দন ক'রতে এসেছিলো তা'র ছুটি
 মঞ্জুর হ'লো । তা'র প্রণাম তুমি নাও । তা'র আপন গানের বন্ধনেই
 চিরদিন সে বাধা রইলো তোমার দ্বারে । তা'র সুরের রাখী তুমি গ্রহণ
 ক'রেচো আমি জানি ; তা'র পরিচয় রইলো তোমার ফুলে ফুলে—তোমার
 পদ-পাত-কম্পিত শ্রামল শম্পাবীথিকায় ।

বসন্তে বসন্তে তোমার কবিরে দাও ডাক ;
 যায় যদি সে যাক্ ॥
 রইলো তাহার বাগী রইলো ভরা সুরে,
 রইবে না সে দূরে ;

হৃদয় তাহার কুঞ্জে তোমার
রইবে না নির্বাক ॥

হৃন্দ তাহার রইবে বেঁচে
কিশলয়ের নবীন নাচে নেচে নেচে।
তা'রে তোমার বীণা যায় না যেন ভুলে,
তোমার ফুলে ফুলে
মধুকরের গুঞ্জরণে বেদনা তা'র থাক্ ॥

তবে শেষ ক'রে দাঁও শেষ গান
তার পরে যাই চ'লে।
তুমি ভুলো না গো এ রজনী
আজ রজনী ভোর হ'লে।

এর ভয় হ'য়েচে সব কথা বলা হ'লো না। এদিকে বসন্তের পালা সাঙ্গ
হ'লো। হুঁরা করুগো হুঁরা করু—বাতাস তপ্ত হ'য়ে এলো, এই বেলা রিক্ত
হবার আগে অঞ্জলি পূর্ণ ক'রে দে—তারপরে আছে করুণ পূলি, তা'র আঁচল
বিছিয়ে।

যখন মল্লিকা-বনে প্রথম ধ'রেছে কলি
তোমার লাগিয়া তখনি, বন্ধু,
বেঁধেছিছু অঞ্জলি ॥
তখনো কুহেলি-জালে
সখা তরুণী উষার ভালে
শিশিরে শিশিরে অরুণ মালিকা
উঠিতেছে ছলছলি' ॥

এখনো বনের গান

বন্ধু হয়নি তো অবসান,
তবু এখনি যাবে কি চলি' ?
ও মোর করুণ বল্লিকা,
তোর শ্রান্ত মল্লিকা
ঝরো-ঝরো হ'লো, এই বেলা তোর
শেষ কথা দিস্ বলি' ॥

“শুকনো পাতা কে যে ছড়ায় ঐ দূরে।” বসন্তের ভূমিকায় ঐ পাতাগুলি
একদিন আগমনীর গানে তাল দিয়েছিলো, আজ তা'রা যাবার পথের ধূলিকে
ঢেকে দিল, পায়ে পায়ে প্রণাম ক'রতে লাগলো বিদায়-পথের পথিককে।
নবীনকে সন্ন্যাসীর বেশ পরিয়ে দিয়ে ব'ল্লে, “তোমার উদয় স্নন্দর; তোমার
অস্ত শুন্দর।”

ঝরা পাতা গো, আমি তোমারি দলে।
অনেক হাসি অনেক অশ্রুজলে
ফাগুন দিল বিদায়-মন্ত্র
আমার হিয়াতলে ॥
ঝরা পাতা গো, বসন্তী রং দিয়ে
শেষের বেশে সেজেছো তুমি কি এ!
খেলিলে হোলি ধূলায় ঘাসে ঘাসে
বসন্তের এই চরম ইতিহাসে।
তোমারি মতো আমরা উদ্ভরী
আগুন রঙে দিয়ো রঙীন করি',
অস্ত-রবি লাগাক্ পরশমণি
প্রাণের মম শেষের সম্বলে ॥

সে-যে কাছে এসে চ'লে গেল তবু জাগিনি—
কী ঘুম তোরে পেয়েছিলো হতভাগিনী—

মন ছিল স্থপ্ত কিন্তু দ্বার ছিল খোলা, সেইখান দিয়ে কার নিঃশব্দ চরণের
আনাগোনা। জেগে উঠে দেখি ভূঁই চাপা ফুলের ছিন্ন পাপড়ি লুটিয়ে আছে
তা'র ঘাওয়ার পথে। আর দেখি ললাটে পরিয়ে দিয়ে গেছে বরণমালা, তা'র
শেষ দান, কিন্তু এ-ঘে বিরহের মালা।

কখন দিলে পরায়ে
স্বপনে বরণ মালা, বাথার মালা।
প্রভাতে দেখি জেগে
অরুণ মেঘে
বিদায় বাঁশরী বাজে অশ্রু-গালা ॥
গোপনে এসে গেলে
দেখি নাই অঁাখি মেলে।
অঁাধারে ছুঃখ-ডোরে
বাঁধিল মোরে,
ভ্রষণ পরালে বিরহ-বেদন-ঢালা ॥

হে বনম্পতি শাল, অবসানের অবসাদকে তুমি দূর ক'রে দিলে। তোমার
অক্লান্ত মঞ্জরীর মধ্যে উৎসবের শেষ-বেলাকার ঐশ্বর্য, নবীনের শেষ জয়ধ্বনি
তোমার বীরকণ্ঠে। অরণ্যভূমির শেষ আনন্দিত বাণী তুমি শুনিয়ে দিলে
যাবার পথের পথিককে, ব'ল্লে, পুনর্দর্শনায়। তোমার আনন্দের সাহস
বিচ্ছেদের সাম্নে এসে মাথা তুলে দাঁড়ালো।

ক্লান্ত যখন আত্মকলির কাল
মাধবী ঝরিল ভূমিতলে অবসন্ন।

সৌরভ-ধনে তখন তুমি হে শাল
 বসন্তে করো ধন্য ।
 সাস্থনা মাগি' দাঁড়ায় কুঞ্জভূমি
 রিক্তবেলায় অঞ্চল যবে শূন্য ।
 বন-সভাতলে সবার উর্দ্ধে তুমি,
 সব অবসানে তোমার দানের পুণ্য ॥

এইবার শেষ দেওয়া-নেওয়া চুকিয়ে দাও । দিয়ে যাও তোমার বাহিরের
 দান, উত্তরীয়ের স্বগন্ধ, বাঁশির গান, আর নিয়ে যাও আমার অন্তরের বেদনা,
 নীরবতার ডালি থেকে—

তুমি কিছু দিয়ে যাও
 মোর প্রাণে গোপনে গো ।
 ফুলের গন্ধে, বাঁশির গানে,
 মর্ম্বর-মুখরিত পবনে ।
 তুমি কিছু নিয়ে যাও
 বেদনা হ'তে বেদনে ।
 যে মোর অশ্রু হাসিতে লীন
 যে-বাণী নীরব নয়নে ॥

দূরের বাণীকে জাগিয়ে দিয়ে গেল পথিক । এমনি ক'রেই বারে বারে
 সে কাছের বন্ধন আল্গা ক'রে দেয় । একটা অপরিচিত ঠিকানার উদ্দেশ
 ব'লে দিয়ে যায় কানে কানে—সাহসের সুর এসে পৌঁছয় বিচ্ছেদ-সমুদ্রের
 পরপার থেকে—মন উদাস হ'য়ে যায় ।

বাজে করুণ সুরে, (হায় দূরে,)
তব চরণ-তল-চুম্বিত পন্থবীণা ।
এ মম পান্থ-চিত চঞ্চল
জানি না কী উদ্দেশে ॥

যুথী-গন্ধ অশান্ত সমীরে
ধায় উতলা উচ্ছ্বাসে,
তেমনি চিত্ত উদাসী রে
নিদারুণ বিচ্ছেদের নিশীথে ॥

